

鍾伯敬合集



04011







Faint red markings or bleed-through from the reverse side of the page, appearing as scattered lines and small characters.

鍾伯敬合集

明·鍾伯敬著




第一輯

第三十二種

據原刊本排印

貝葉山房張氏藏版

本書封面題簽：沈尹默先生



東

書

Vertical text on the right side of the page, including the characters '中央圖書館' (Central Library) and '東' (East), likely indicating the library's name and the book's location or collection.

846.1
663-2
V.1
隱秀軒集總目

天集

四言

維東有阜十章（有序） 憫溺五章章六句（并序） 水簾題石聯句（遊太山作）

地集一

五言古一

乙巳臥病作（二首） 邸報 遊齊山 五月七日吳伯霖要集秦淮水榭 再過

燕子磯作 秋日舟中題胡彭舉秋江卷（并序） 舟中看邯鄲夢傳奇偶題左方

六月初五夜月 夜閱杜詩 六月十五夜 七夕雨次夕復雨 經觀音巖

九灣 雨發九灣至歸州 雨行巫山 朝 瞿塘 巫峽 歸州峽 新灘 西

799964

89042288

陵峽 出郊 識譚友夏所寄書語 贈羅童子國香 蔡敬夫自澧州以賦見寄
和之(二首) 夜坐 讀豫約 山月 送鄒臣虎年丈南歸 送馬仲良權吳關
廬江訪章甫親家感贈 題茂之所書劉春虛詩冊(并序) 雨宿會聖巖 宵
步石廊燭觀於巖壁 總巖 予有古鼎茂之賞前賦焉和之 省鶴 潯陽經曹
能始廬下懷寄兼貽梅子庾 到家(二首) 與弟叔靜過友夏兄弟寒河居 寒
河詩爲友夏賦 將入城示別友夏 竹月(二首) 伏日頗熱友夏寄近詩有雨
甚寒甚不敢快幸語異而作此 羅穀

地集二

五言古二

秋晚荆門道中抵泉寺宿 再過夷陵爲諸同門視雷先生後事題其閣上 興夢
蔡敬夫仲冬書至云辰州十月已見梅花寄詩三首予未之答及茲再遣書使已
是獻歲三日此地梅放未匝輒書所見以報前詩 飛雲巖 黔還至辰溪懷蔡敬
夫既見贈詩(二首) 欽山漁仙洞尋龍君御所住觀其刊鑿之迹 贈別朱無易

郡侯計事畢暫還成都并答前見贈之作 四月三日楊脩齡侍御遊宴海淀園
七月十五夜月同茂之賦 南歸東別劉貞一侍御獄中 觀朱叔熙所藏唐搨雲
麾二碑顏柳白傅諸帖及米書 入舟 舟月(二首) 贈徐象一年丈并索其畫
登岱 無字碑 尋西天門 宿頂候日出 降自孔子崖循黃華洞止焉 傲
來山 再憩朝陽洞泉上 岱草既定讀友夏南嶽記及詩 三月三日新晴與客
步看所在桃花 牛首道中看人家桃花 舟過郭聖僕范漫翁二居士 宿烏龍
潭 七月十五夜登鷄鳴寺觀懺度 歸至雪浪庵看紅樹 贈曾伯陽母 正月
初五日冶城看殘雪作 採雨詩(有序) 丙辰江西大水故憲副太和臨臬楊公
在殯其弟貞叔負其棺與水出入得免予友楊武部邦隆憲副公之子也泣道其事
鄒爾瞻先生作風木樓記述其事親始末鍾子讀而嘆曰貞叔之爲此有本也紀之
以詩 歲暮送姪昭夏還家兼示弟恠等

地集三

五言古三

補和楊文弱年丈書德山讀元碑見寄之作（并序） 已未白門喜周伯孔至讀其

詩記前會在已酉歲 得韓求仲書并所選文二編感而有寄 題徐生山居圖

冬日登虎丘 將訪茗雪許中祕迎於金閭導往先過其甫里所往有皮陸遺跡

遊梅花墅 將至吳興訪韓求仲年丈雨中舟進暮泊城外言懷 訪趙凡夫寒山

所居其先墓在焉賦贈二詩表其山志（二首） 詠古玉刻螭字得蜂 始晴 秦

淮晤別詩 于胤先北上過白門持同年夏祠部正甫書相訪策遼事賦此贈行

梁無他水部自潘景升處投詩見贈賦答 王文肅公專祠詩 錢時將自吳過訪

因謁梁水部於蕪湖反再見予送之歸吳 病中買得一侍兒名曰靈光因憶唐人

有新姬侍疾之作戲和其意 五看雪詩（有引） 木末亭看烟雪 鷄鳴寺塔下

看後湖雪 烏龍潭看雪 孝陵看雪 秦淮權雪 靈谷看梅 賦得陶士行母

贈姚孟長母文太孺人 城南古華嚴寺半就傾頽奇爲清崎同一雨法師徐元嘆

陳磐生往訪詩紀冥游兼勸募復 遼陽陷後友人張任甫先赴參謀之召得書詢

之尙未出關欣慨交心勉其後圖 游茅山 觀魯顏公所書茅山玄靜先生李君

斷碑

玄集

七言古

題林茂之畫壁 題張金銘紙帳 送鄭季卿之金陵兼寄書南中所知 將移居
題別畫壁 八月十四夜集別張金銘年丈暫假歸沐 上白帝城望杜少陵東屯
居止遂有此歌 暫駐夔州詹郡伯黃楊二司李招集白帝城戲柬 壬子四月六
日送春于野 吉祥寺松下夜歌和友夏 玉泉寺鐵塔歌 隋大業十一年鑊歌
鄴中歌 贈李長蘅 寄題友夏紅濕亭 章甫贈雙鶴歌 登浮渡妙高峯歌
舟屋茂之所居改以巢鶴歌 觀日歌 插戴詞 見姬人臨粧看鏡中臘梅花
(二一首) 新姬手植盆蘭引 元旦臘雪歌和蘇弘家符卿時廷尉董公光祿周公
各以朝正孝陵有詩紀之 自題畫贈商孟和 桃花澗古籐歌 禮牛首畫祖像
贊(并序) 隔雨聽鼓吹歌 范漫翁畫山水歌 詠畫蘭停筆 觀周令滋米趙
二石歌 贈錢文 詠古玉刻蟾子得蜂(并引) 沈雨若以朱白民竹卷贄予畫
戲作此歌 五色蘭卷歌(有序)

黃集一

五言律一

- 懸軍 贈熊生 春日課僮編籬訖成句 哭魏太易(三首) 三月三日雨中登
雨花臺 烏龍潭吳太學林亭 五月三日秦淮卽事(二首) 早夏集米仲詔園
西山(三首) 喜林茂之至燕(二首) 集淨業寺水次再過十方庵看荷花因
宿其中(二首) 夜歸聯句 八月初二夜雨 補七月二十七生日詩 八月
初六夜小集聯句 白衣庵水閣 微雨 送韓孟郁孝廉還嶺南 送茂之南歸
(二首) 庚戌除夕 玉泉謁關祠 夷陵道中 巴東道中示弟恮(二首) 暫
霽 月 次巴縣傅仲綸年丈招飲江樓賦贈 十五夜月 哭雷何思先生十首
(并序) 松滋泊風 懷譚友夏時在金陵昨夜夢寄伊書談便事及詩兼徵其近
作 吳彥先自金陵過訪兼致諸友人書感賦 新涼柬彥先(二首) 寄吳康虞
寄吳昌昱元振 寒月同友夏叔靜作 佛燈 初陰 讀林茂之所藏陳白雲
五言律七百首追贈 之燕留別茂之時孟和偕予往茂之南歸(二首) 新樂始

雪 雪夜同孟和作 慶都早發望晴雪 雪後保定飲同年夏正甫司理 十七
夜到京看月所寓因題其軒曰傲月 題孟和蘭石畫扇贈魏士爲年丈 喜吳伯
霖至兼逢馮宗之 春日集韋氏郊園(二首) 別孟和從仲良之吳門 傲月軒
後竹 寄友夏書(二首) 代愛妾換馬

黃集二

五言律二

入舟同姚君佐 泊潞河九月二十四日逢立冬示君佐 舟曉 舟晚 欲泊
泊天津 天津早發 舟雨 雨泊(二首) 舟雪 舟月 靜海縣 見月得起
句因而成篇 晝泊 風止 滄州發夕 暖 德州戲題 夜 十月十六夜
有所示 深夜舟進 月暖 將之青州由東昌登陸呈馮羽明年丈 經聊城魯
連射書處 金嶺驛與王帶如年丈夜談 沂水道中風 沂州王右軍故宅今爲
普照寺有洗研池 彭城入舟後候淺(二首) 過淺 舟泊雲龍山下 彭城開
船 舟至呂梁洪 經下邳圯上受書處(有序) 射陽湖 入江 登金山同君

佐 郭景純墓 北固夜歸 至金陵過林茂之宅 雪集茂之館 過胡彭舉
立春日同商孟和弟居易集子丘茂之宅 除夕守歲子丘茂之宅時子丘與孟和
居易至自吳門 元日集鷄鳴寺塔下亭 攝山道中 白鹿泉 疊浪巖尋繖山
和尚不值遂登山頂 天開巖 攝山頂 贈凡公 贈蒼麓老僧 攝山歸過靈
谷 舟發金陵留別諸友 須濡口阻茂之別(二首) 賦得不貪夜識金銀氣
途中新月 紅葉 夜觀蒙惠二泉 羣山萬壑赴荆門 贈劉玄度孝廉爲雷太
史同年好友 磁州雨 選蔡敬夫詩訖寄示三律 丙辰初春寄張金銘(二首)
十二月十九日雪是立春次日(二首) 秋夜與茂之閑坐 贈陳荆生 泊
風阻蔡村念吳康虞候于前路 汨流河驛 九月十一日喜康虞入舟 自仙人
橋觀于捨身崖 岱歸後示泰安州守候君 十一月初二日雨 十一月晦夜初
雪過潘稚恭江閣

黃集二二

五言律二二

正月初二日大雪同王永啓林茂之集雨花臺 靈谷寺看梅 看梅送何玉長入
楚(有引) 長生館詩 十月十三夜步月 十月二十日往花山雨宿途中(二
首) 寓白門寄朱叔熙比部 夜過胡彭舉 范漫翁復自東郊移至城居故處
(二首) 臘月二十三日伯倫招集木末亭 除夕喜雪 元日雪過康虞彭舉茂
之不值 雨後靈谷看梅花 二月二十四日雪後沈宗伯招集高座寺 夏梅
秋海棠 喜鄒彥吉先生至白門(二首并序) 送商孟和秋試後歸閩 杪秋宿
牛首次日歷祖堂獻花巖(二首) 早冬遊攝山(二首) 臘月十五葛震甫要集
齊王孫山居 春事 仲春程仲秩要汎赤石磯 雨中柬茂之病 問茂之病
又代秦淮五日賦得投詩贈汨羅 在白門喜譚友夏至相見有詩感答其意 出
通濟門訪郭聖僕與友夏同往 過王永啓小閣同友夏時永啓病後 和友夏拜
客觸暑就茂之舍休焉忽伯敬亦至之作 月夜王太古要汎秦淮同友夏 送五
弟快還楚迎家尊赴吳中教職 歸舟月上 送王永啓歸省兼示董崇相 沈雨
若自常熟過訪九月七日要集敝止有虞山看紅葉之約 至昆陵訪鄒臣虎年丈
贈鄒太公臣虎尊人 譚友夏自越歸晤別于錫山 訪王德操居士 汎吳興

碧浪湖夾山草蕩漾（三首） 舟泊吳江步尋周安期安仁 婁東訪尹惺麓先生（二首） 弇園憶贈王元美先生（四首） 贈徐元晦 題畫蘭 贈程彥之 過文文起孝廉藥圃賦贈 虎丘贈別徐元歎 毗陵雪夜別茂之還金陵

黃集四

五言律四

毗陵家慶畢還白門道中作 瓶中梅影映壁上畫梅影 上巳過牛首山莊看雲 池王翁桃花（二首） 月夜過胡彭舉 月下新桐喜徐元歎至 白門病中送親 還毗陵（二首） 病間贈錢振河 感歸詩（十首） 春日過沈雨若問病并訪唐宜之（二首） 夏日游攝山同王惟士徐元歎胡元振題畫送沈朗耀入廬山兼寄 愍公（二首）

字集一

七言律一

送人游匡廬九華 丹陽夜泊時將過訪張楊二年丈 江行俳體（十二首并序） 碧雲寺早起 夜坐 辛亥元日早朝 白沙驛 合江舟中早發 忠州霧泊 還至歸州 寄答尤時純 寄譚友夏復招之 復雨和友夏仍留之 山夜聞鶉同諸子分韻卽成 友夏再至晤商林二丈與予兄弟山居旬餘將歸 孟和茂之將過友夏河上 至炎定 暫駐涿州抵良鄉再宿 丘長孺宅看暖室梅花 早秋 秋曉 汎江尋三游洞降觀于峽 雨發裕州 丙辰聖節前東宮出講蓋八月初四日也恭譔二律 十五夜同茂林之過俞仲茅步月 九月五日天津舟泊和茂之見岸女簪菊之作 泊頭逢虞伯醇孝廉同康虞茂之過飲常充符孝廉水樓留贈 岱游告成示康虞茂之 贈焦弱侯太史 宿浦口周茂才池館訪陳眉公于舟因共集俞園 九月七日蘇弘家符卿要集靈應觀 秋夜集俞伯彭園池 花山禮銅殿 歲暮喜董崇相大理至白門 夜詠彭舉燈下水仙花臘月十五日夜攜酒資約茂之過集彭舉齋中 董崇相要過金陵寺登所構遂有亭

宇集二

七言律二

戊午元日 夢山中題壁有石引長松天一笑之句起而足之 春暮看桃花宿王氏山莊作 白門逢范長倩學憲賦贈 正月廿四日始見人家瓶中粉紅梅 再登浦口王茂才山樓望石武庫澹寧所造新城 九日攜侄昭夏登雨花臺 三月三日再汎赤石磯勒詩于石 六月十二日夜吳康虞要汎秦淮同諸子分賦得舟字 夜出安德門往牛首道中作 六月十七日汎溪就青海宗侯水榭看蔣山令弟渤海具舟要往 七月十二日宋獻孺招集茅止生烏龍潭新居 白門逢周明卿大司農誕辰賦贈 再過錫山訪尤時純 夜步長橋 訪王聞修年丈 過文啓美香草垞 虎丘訪章眉生看殘雪作 讀元歎詩不覺有作 贈丹泉周翁 還至無錫再晤鄒彥吉先生 二月三日重過靈谷看梅 陳中丞正甫自晉貽書 白門極爲相念感答時將以南少司農蒞任于此 題小東山贈王翁 題葛澹淵 廷評署中巢居 喜湯嘉賓司成至白門晤宿燕磯舟中 白門病中送尹子求先

生解蘇松兵備任歸里 章章甫自中州至白門過訪行及一月聞有言予死者
二月初五日重看靈谷梅花 冬夜集吳體中中丞西園觀劇

宙集

五言排律

觀象臺銅渾天儀刻漏 送湯去執從程時鳴明府之鞏縣應其館聘兼柬時鳴
北郭十方庵有荷數陂列樹垂陰日中移坐月出始歸 溪晚 送龍君御觀察再
之湟中 晴 舟晚 夔門卽事十韻 入邑往還宿徐乾之北菴皆不值 夜汎
課除後園草屋客孟和茂之(二一首) 臨穎署中和商孟和看含胎牡丹之作
宿固城店同孟和作 癸丑春晤別同門諸年丈感贈 五月十六日集十方菴水
邊 秋後五日題柬長安諸友 檣山 小孤山 九日至玉泉與友夏居易登覽
宿于寺 友夏見過與予檢校詩歸訖還家 黔闡事竣示同事者 贈楊太公
十二月十一日雪 二月十五日出郭集慈壽寺 夏冰 戲題燕姬新入舟 舟
次喜康虞先寄載酒醯諸口物到戲爲六韻 恭謁闕里 吉祥寺有梅一株次日

往看 墜蟬 再至棲霞寺 姬人列朱橘作燈懸臘梅花下詠以新句(二首)

章晦叔至白門題其行卷 拜林初文先生墓(有序) 郭聖僕五十詩 秦淮隔

舟 送董崇相予告還閩兼東曹能始 秦淮五日賦得投詩贈汨羅 訪友夏不

值自朝坐至暮始歸 送雷實先以京兆司李遷滇中郡丞還楚 送南大司馬黃

公移督戎政時有遼警訪 鄒彥吉先生于惠山園 詠求仲家紅鸚鵡兼有所贈

游天平山范長倩園居 喜錢受之就晤婁江 吳門悼王亦房 訪元歎浪齋

梁溪寄井陘兵備朱無易託友人炎定守朱叔熙郵致 讀馬冲然民部詩喜贈

題吳孟子念佛圖 自題畫贈陳子素考功 得魏士爲書却寄 張金銘有幽

居在虎谷問胡昌昱言其意影略高之詩寄所懷 寄賀周明卿大宰加宮保蔭孫

洪集

七言排律

徐元歎再至金陵過訪將歸吳門送之

荒集

五言絕句

友夏齋中看折枝海棠 嬾石(二首) 題范素容所作孟和蘭竹畫扇 至巫山

茶詩(三首) 前懊曲(三首) 後懊曲(三首) 自題桐陰圖贈莊若侯明府

日集

六言絕句

諾詎那尊者巖偈

月集

七言絕句

株陵桃葉歌(七首并序) 有贈 僧至自五臺得坐師雷太史書(二首) 蜀道

九日 早發成都出西郊(二首) 喚魚潭 七夕 次夜 答彥先雨夜見東

(二一首) 題李長衡寒林圖 丘長孺將赴遼陽留詩別友意欲勿生狀惋之餘和以送之(五首) 答友夏問伯敬南姬生子消息 歸經玉泉 歸經蒙惠二泉
至京山與友夏別 桃源洞(二一首) 沅州見芙蓉 畫蘭詩(四首) 題尤時純農服小像 冬夜茗溪看雨後初月兼有懷贈(二一首) 彥吉先生席上觀劇贈周郎(二一首) 題畫(有引) 桃花下見盆中水仙花開獨妙贈以四絕(四首) 新月要彭舉試茶辭以睡有詩自嘲之 戲題畫

盈集

賦一

燈花賦(有引) 鵲巢賦(并引) 秦淮燈船賦(有序)

是集一

序一 書籍一

語石齋私印譜序 貴州鄉試錄後序 詩歸序 三注鈔序 兩淮鹽法綱册序

東坡文選序 詞林海錯序 蜀中名勝記序 二十一史撮奇序

吳集二

序二詩文集一

簡遠堂近詩序 韻詩序 善權和尚詩序 周伯孔詩序 問山亭詩序 章章甫詩序 種雪園詩選序 章梅叔詩序 玄覽集序 隱秀軒集自序 舟嶽集自序 西陵草序 放言小引

吳集三

序又一詩文集二

先師雷何思太史集序 董崇相詩序 黃貞父白門集序 潘無隱序集 潘穉恭詩序 徐元歎詩序 孫曇生詩序 南州草序 程惟德詩序 留臺奏議序 陪郎草序

吳集四

序三時義

李生時義序

文天瑞時義序

隱秀軒時義自序

黔錄小刻序

蕭伯玉時義

序 沈雨若時義序

劉生制義序

陸生制藝序

辰集一

記一山水

中岩記

修覺山記

浣紗溪記

浮渡山記

辰集二

記二園館

尊聞堂記

梅花墅記

辰集三

記又一 山水二

岱記 泰山闕里碑

宿集

傳一

李少翁傳 白云先生傳

官古愚先生傳

蔡先生傳

張母小傳

列集一

論一經

詩論

列集二

隱秀軒集 目次

論二史一

鄭莊公 魯莊公 城濮之戰 荀林父 甯喜 管仲 蘇秦 陳軫張儀 董
安于 信陵君 魯仲連 燕太子丹

列集三

論又二史二

漢高帝 蕭相國 留侯 陸賈 衛青 江充 十式 平準 貨殖

列集四

論又二史三

劉向 杜欽谷永 梅福 趙充國 陳湯 王莽 三國 荀彧

列集五

論三書

善爲國者取于人事

張集

策

策一 策二

寒集

表

擬上召兵部尙書劉大夏左都御史戴珊問邇來軍民多不獲所焉得天下太平因
論及閣臣劉健薦人事謝表

來集

奏疏

脩省疏(代)

隱秀軒集 目次

暑集

啓

奏記贊善孫座師牋 賀邑令程公啓

往集一

書牘一

報蔡敬夫大參 與徐惟德憲長 與譚友夏 與譚素臣兄弟 與王穉恭兄弟

寄叔弟恮 與張太學 與金陵友人 與唐宜之 報座師雷太史 與郭篤

卿 答馬時良 與馬仲良 與徐乾之 與蔡敬夫 再報蔡敬夫 與馮元成

公祖 與譚友夏 與高孩之觀察 復魏肖生 與陳眉公 與弟恮 答同年

尹孔昭

往集二

書牘二

與陸開仲掌科(附答書) 與袁滄孺論楚中鹽貴書 擬曹操讓黃祖殺稱衡書
與熊極峯 與王以明 與井陘道朱無易兵備 與林少巖座主

秋集

疏一募

圓通庵募緣疏 東禪寺玻璃閣募緣疏 題三明和尚募積經疏 重裝牛首祖
像疏解 募修牛首山羅漢殿疏 募畫祖像疏 京山多寶寺募五大部經疏

募孟蘭盆施食念經禮懺疏 募脩大報恩寺觀音殿疏

疏二

薦先嗣父母本生母二亡弟疏 薦先師雷太史疏

收集

碑

重修華嚴閣碑 范公德政碑

冬集

行狀

程次公行略

藏集一

墓志銘一

明茂才私諡文穆魏長公太易墓志銘 明奉政大夫戶部雲南清吏司郎中春宇

蔡公墓志銘 民部郎少溪祝公墓志銘

藏集二

墓志銘二

秋田汪翁墓志銘 司城程公墓志銘 程母咎孺人墓志銘 斷香銘

閏集

祭文

告雷何思先生文 祭同年彭用九文 告亡兒肆夏文 祭譚太公文 祭同年龔圓甫文 白門告先靈文

餘集一

題跋一

鄭季卿採木行引 自題詩後 題魯文恪詩選後二則 題唐李供奉降筆書首楞嚴石刻卷 題潘景升募刻吳越雜志册子 摘黃山谷題跋語記(二則) 題然公廬山結社卷 題酒則後四條 題血書法華經

餘集二

題跋二

閱聖教序廟堂碑聖母坐位四帖 跋坐位帖 題吳康虞逸初堂法帖 書所與
茂之前後游處詩卷 題馬士珍詩 題胡彭舉畫贈張金銘 題靈谷游卷 題
胡彭舉爲蔡敬夫方伯畫卷 題仙游潭 題焦太史書卷 跋林和靖秦淮海毛
澤民李端叔范文穆姜白石王濟之釋參寥諸帖 題所書再至金陵詩於烏絲箋
冊 書茂之所藏譚二元春五弟快手札紀事 題宋楊黃庭經 題五弟爲予書
游牛首古詩三首 書所作中元三疏卷 跋先師雷何思太史書卷 跋袁中郎
書 書宋板世說新語 題祖像碑記 題邢子愿黃平倩手書 題貝葉畫 跋
黃大癡畫

成集

說

畫龍說贈王生南游 夏梅說

歲集

辨

李長吉詩辨

律集

書事

書放鹿事 紀夢

呂集

偈

攝山偈(并序)

內人吳氏血書普門品偈

調集

頌

餽口施食頌

隱秀軒集 目次



陽集

贊

郭建初像贊 謝在杭像贊 葉太公像贊 崔徵仲像贊 吳康虞像贊 王永
 啓像贊 自題小像 沈全吾大參像贊 徐生像贊 蘇弘家中丞像贊 畫靈
 璧石贊 鄒公履像贊

雲集

銘

扇篋銘 竹鎖銘(并序) 鐵鉢銘 開天容墨銘 瘦鉢銘 夢中硯銘

隱秀軒詩天集

竟陵鍾惺伯敬著
海虞沈春澤雨若閱

四言一

維東有阜十章（有序）

壬子閏十有一月。予與商子之燕。譚子送之以詩。予作此。答別譚子也。

維東有阜。維南有湖。阜則我宅。湖則我居。子無所往。我無所徂。我室子室。子廬我廬。

其二

予歸自官。子南斯行。子歸自客。子北斯征。聚散無言。舟車有聲。維此舟車。爾獨何情。

其三

自南爾歸。有懷不一。子三適我。我不子卽。子之適矣。如予之卽矣。

其四

自南爾歸。有言不同。子三逢我。我不子從。子之逢矣。如予之從矣。

其五

駕我四牡。肅我衣裳。彼其之子。不與我偕行。惠我良朋。共此雪霜。維子心則臧。

其六

肅我衣裳。駕我四駱。彼其之子。不與我偕作。惠我良朋。共此饑渴。維子心則若。

其七

我之云邁。念子無儔。亦莫我留。昔子之南。予其敢曰無儔。挽子之舟。

其八

我之云邁。念子無依。亦莫我追。昔子之南。予其敢曰無依。反子之綏。

其九

自南自北。莫同匪天。各處其末。中有山川。山川何有。蒼蒼淵淵。瞻言共之。心目其間。

其十

勿曰我出。勿曰子處。各有朋友。各有言語。及彼威儀。爰各有所。庶幾夙夜。惟予與女。

憫溺五章章六句（并序）

甲寅正月二十七日舟泊濡須口。大風江中小舟渡者覆焉。可二十人皆南岸簞人。過江傭作舟子以風故索加錢。人一文不可得。因守至多人。時久舟重風益張而致溺也。急揮官舟救之。從者數舟得十四人而還。餘莫及矣。予與林子見之憫焉。各作詩。山鳴江怒。渡于何所。我食焉取。彼君子兮。我阻亦莫我予兮。斯豆斯簠。

其一

招招舟子。取盈則那。從其匪盈。糈則我多。糈不我多。舟中人兮柰我何。

其二

維其多矣。烝沒于波矣。沒匪不出。伊誰何矣。立而聽之。家滂沱矣。

其四

索糈沒之。犯死出之。同茲舟人。孰罪福之。孰罪福之。暇之卒之。

其五

有邏者舟。泄泄偃仰。溺者已歸。救者徐往。敢告津吏。厥有刑賞。

水簾題石聯句（遊太山作）

晴雨所覆（惺）白雲之上（吳惟明）冬愛其原（林古度）厥流斯養（惺）石穹其中（惟明）俟

隱秀軒詩集

時而響（古度）
岱實爲之（惺）
勸登弘獎（惟明）



隱秀軒詩地集

五言古一

乙巳臥病作

沈疴忘故吾。情形日幾變。有時如嬰兒。饑寒仰母便。有時如老人。奄奄息如綫。過去未來身。一日遊屢遍。真身宛自如。光明時隱見。

又

周公班爵祿。孔聖立文字。終古英雄人。老死遭磨勵。進退類羝觸。前後終狼戾。窮交思掇。汁。妻子望沾漑。天生七尺軀。豈爲爾曹地。性命狗他人。勞勞成底事。舍我衣中珠。苦伺驪龍睡。安得同臭人。親疎走相避。達哉周太常。不齋時一醉。

邸報

曰余生也晚。前事未睹記。矧乃處下流。朝章非所識。三十餘年中。局面往往異。冰山往崔嵬。誰肯施螻臂。片字犯鱗甲。萬里禦魑魅。目前禍堪怵。身後名難計。邇者增諫員。鞞鐸略已備。

褒誅兩不聞。人人爭慕義。請劍等尋常。折檻何容易。撩鬚料不啞。探領何須睡。衆響忽如一。一辭申數四。已酉王正月。郵書前後至。數十萬餘言。兩三月中事。野人得寓目。吐舌嘆且悸。耳目化齒牙。世界成罵詈。噉噉自噉噉。憤憤終憤憤。雄主妙伸縮。寬容寓裁制。並廢或兩存。喧墨無二視。下亦復何名。上亦復何利。議異反爲同。途開恐成閉。機殼有倚伏。此患或不細。遘茲不諱朝。杞人彌憂畏。

遊齊山

百里叩九華。齊山未寓目。歲暮懷冥遊。積陰忽晴燠。十步識山面。二里躡崖足。裁形准石隙。避就費紆曲。戚施忽籛條。支離頂踵蹙。蹈虛慮危墮。踐實防罍觸。步疲手倦扶。日中至朝旭。不知行幾里。蚤緣窮往復。出洞睇故徑。相去曾幾躅。隧中靈威行。峯頂長房縮。總此一齊山中。外異延促。

五月七日吳伯霖要集秦淮水榭是日雨

五日棹秦淮。水閣曾未歷。頗值風日晴。雨意殊未悉。我友越宿招。明朝宜小集。晨枕引檐聲。微茫承露滴。快茲烟雨趣。遠山蕩如滌。畫舫如晨星。簫鼓非前日。鷓首晚偃倚。鴛鴦戢其翼。人情自寂囂。景物胡欣感。四座三方言。音殊旨或一。想昔舟行時。樓榭烟外積。遠近閣中人。指

視坐行立。輕舟疾於鳥。過眼雲煙失。今茲坐綺閣。閒閱舟遲疾。從舟視閣中。延望當如昔。

再過燕子磯作

夏五戒舟游。清夜以爲期。豈悟適維揚。停舟踐前辭。矧乃值清晝。不復睹夕霏。霽景媚澄瀛。夜光鑑廣陂。光明應如是。蒼涼乃遜之。一峯一珊瑚。千波千琉璃。雜樹緣層壁。點染若苔衣。巖紆雲度艱。墮地力已微。及茲毗陵還。已復流火時。石意本孤峭。不秋森已威。蒼翠與紺碧。綢繆以參差。往還閱涼燠。江山變穠淒。感茲燕子去。再歷燕子磯。登頓快遐矚。節物翻令悲。

秋日舟中題胡彭舉秋江卷（并序）

已酉秋。子將由金陵還楚。胡彭舉爲予寫秋江卷爲別。衰柳寒汀。遠山細浦。而孤舟片帆。汎汎其景。於空青遙碧之間。隱見滅沒。初不見水。覺紙上筆墨所不到處。無非水者。使人常作水想。越數日。舟過三山。天末積水。殘嶼如煙。予指其濛濛淨淨者。示弟快曰。是非彭舉卷中所餘一片閒紙乎。卷首孤帆遠影。碧空盡。惟見長江天際流。爲焦弱侯太史書。彭舉自書七言一律於後。彭舉名宗仁。金陵人。八月晦日。秦淮歸人鍾惺書於采石舟中。仍繫以古詩八句。其詩曰。

望遠寫秋江。秋意無起止。何曾見寸波。竟紙皆秋水。煙中過寒山。江淨翻如紙。空色有無

間。身在秋江裏。

舟中看邯鄲夢傳奇偶題左方

舟中片時間。世上幾代傳。爨下片時間。夢中幾十年。仙齡亦已促。夢境亦已延。誰明修短故。疇司伸縮權。

六月初五夜月（示茂之）

長夏不肯晚。既晚亦蒼涼。涼色已堪悅。況此纖月光。初生如新水。清淺半東墻。尋常如乍見。悲喜觸中腸。對月本佳況。鄉思亦無方。且復共明月。無爲念故鄉。

夜閱杜詩

束髮誦少陵。抄記百相續。閒中一流覽。忽忽如未讀。向所覲面過。今焉警心目。雙眸燈燭下。炯炯向我矚。雲波變其前後。先相委屬。淺深在所會。新舊各有觸。一語落終古。縱橫散屢足。

六月十五夜

明月眷幽人。夜久光不減。良夜妮佳月。月殘漏愈緩。未秋已高寒。秋至更清遠。逝將齋幽魄。照此夢魂淺。

七夕雨次夕復雨

秋來一夜雨。耽却一夜月。乍喜滌煩蒸。久乃成淒絕。前期自宜雨。胡爲值令節。矧乃過此夕。連綿猶未歇。秋月亦易悲。吾意賞高潔。儻能破晦慘。予寧耐殘熱。

經觀音巖

洞巖但如此。今來較不同。泉石稍差次。遽覺心目通。峯氣值殘霽。往往變蒼紅。曲屈失故徑。層深翻得窮。向者攀援處。乃在頰視中。安知所蹈歷。其下非嵌空。何心覓前源。徑盡忽以逢。水木發秋籟。而非谷中風。憫默觀因應。悅焉如發蒙。

九灣

若非蹈今塗。昨日險亦足。果然備層峻。蛇鬼猶躑躅。兩崖窮登頓。相對不去矚。稍焉歷其巔。許身已平陸。俯仰前後視。乃知多岸谷。足跡信延袤。目境自蹙縮。鴻飛已青冥。背翮猶遭觸。深薄警營魄。幽幻豁心目。

雨發九灣至歸州

亂山無清曉。雲水但稠濁。累日行重嵐。叢密何由豁。安知茲壁外。不有朝噉躍。頽雲初離洞。流止將焉託。嶺半一人家。如鳥巢阿閣。人語響空濛。煙火出冥漠。隔江望秭歸。殘陽見井郭。胡爲旣濟後。昏暮猶墟落。

雨行巫山

我行近巫山。欲識巫山面。此峯名十二。一峯了不見。白雲如積水。懷山浩以瀚。雲滿谷皆波。兩崖纔若岸。

朝

蓐食初戒徒。新暘淡寒岫。光薄始著林。映帶自先後。日盛宿煙避。遠見山水候。我行久出峽。始得覩清晝。

瞿唐

至此始稱峽。岸束江齟齬。江勢有往還。前山幾茹吐。兩崖何所爭。終古常相拒。水石日夜戛。無所觸而怒。灑瀨根孤危。悍流不能去。立石如堵牆。中劈才一縷。岸迴不見江。舟行無乃迂。舟過其隙中。乃知此其戶。還顧始自失。慙然警徒旅。

巫峽

瞿唐隘已甚。而匪三峽列。不知三峽者。當何如峻迫。舟經巫山下。川谷信軋茁。仰眺已悅然。矧敢言登躡。巫山峯十二。歷歷在眉睫。猿鳥向人言。雲煙影已滅。急岸辭迅流。如矢離弦決。異哉江如豎。灘下已數折。視前歷歷峯。忽復逢巖缺。

歸州峽

茲峽乃名歸。歸期諒非遠。誰知下峽途。自茲始云險。蜀江不愁風。風立水亦卷。石逼榜觸實。湍仄舟過淺。向歷虎鬚危。（虎鬚灘名在夔州）未覺精魂斂。長年至茲戒。心手目俱勉。水舟細意嘗。稍肆俄焉舛。曲巷夾我舟。戈鋌立刻刻。怒濤跳白中。倒石日夜碾。努力過新灘。前期自可展。

新灘

三峽險匪今。茲灘成近世。所以名新灘。舟楫往往躓。伏石激橫流。以待舟相值。天意非人力。工亦有鈍利。利者每批隙。審擇而趨避。其間不容髮。失非惟恐泥。三峽歸峽劇。三灘茲灘厲。巍巍神禹後。鑿山有望帝。連亘七百里。疏決成既濟。片石距通津。智勇莫能計。吁嗟平陂理。真宰難思議。

西陵峽

過此卽大江。峽亦終於此。前途豈不夷。未達一間耳。辟入大都城。而門不容軌。虎方錯其牙。黃牛喘未已。舟進却湍中。如狼窺其尾。（虎牙狼尾灘名）當其險夷交。跳伏正相踦。回首黃陵沒。此身才出匱。不知何心魂。禁此七百里。夢者入鐵圍。醒猶忘在兒。賴茲歷奇奧。得悟垂堂理。

出郊

閉戶成窮冬。出郊知有春。耳目久不接。熟境亦覺新。芳草如欲暮。桃花忽以晨。偏何多氣候。物色紛然陳。春雖深未闌。動植方怡神。

識譚友夏所寄書語

遠遊接新知。新者難遽陳。乍歸逢故識。故者番然新。耳目善自易。庸人亦異人。嵇公通此術。可不厭囂塵。有何七不堪。而爲時所噴。

贈羅童子國香

流水無巨細。所貴者清深。羅郎互鄉產。眉宇乃蕭森。賴無師與友。宿物未入心。發語自空靈。時時出妙音。辟彼湜湜沚。安流石澗陰。對之悅心目。其源不必尋。東西在所決。最哉須酌斟。蔡敬夫自澧州以詩見寄和之

每一接君詩。知君愧不盡。往往定慧心。見之賦比興。札云苦吏牘。俗與勞相併。何以塵務中。穆如清風詠。乃知寄託殊。形神本淵淨。以茲暇整情。何紛不可定。

又

俗本非一情。復何關吏牘。俗亦不必逃。君情豈易俗。盤錯鍊神明。往來彌幽獨。出茲慧寂

心恤此一路哭。朝廷與四方。標本相離屬。急則治其標。標潤本亦沃。民矧邦之本。易動患遲速。厝火積薪下。徒之賴良牧。素食長安中。手口皆拘束。豈知當一面。猶可舒臂足。賤子本薄弱。斟酌才與福。調燮力不勝。樞衡年已促。矢心在一麾。犬馬猶堪服。君才難如此。矧乃予樸櫟。諒秉翼翼心。如臨淵集木。

夜坐

闔門月自遠。未見神先清。况復已秋盡。寒意不我驚。微風交庭影。偃仰以逢迎。忘與二三子。共坐至深更。鐙鑪靜夜語。悄然作秋聲。

讀豫約

李老未忘骸。死前營夜壑。自謂出家兒。身世了無縛。灌灌身後謀。一塔申豫約。色身委圓扉。子神竟焉託。世無知我者。能殺亦云樂。偏逢高趣人。焚琴而養鶴。

山月

山于月何與。靜觀忽焉通。孤烟出其外。相與成寒空。清輝所積處。餘寒一以窮。萬情盡歸夜。動息此光中。

送鄒臣虎年文南歸

天淵亂魚鳥。不待虞羅施。四牡雖蹙蹙。不容不驅馳。何必求其故。世久欲君歸。寂寞嘗才士。恬躁自茲時。周防亦已晚。矜忿非所宜。辭榮蹈刃易。中庸不可幾。天人方未定。君子敬其儀。

送馬仲良權吳關（時孟和別予從行）

燕地信風塵。俱留反成趣。吳門目清華。獨往意反悟。以茲分素交。征途共朝暮。維夏發春明。舟車何時駐。荷蕩千人觀。楓橋六月路。同游景事佳。徘徊中反顧。兩度居燕中。君皆先我去。此行別兩人。悄然生百慮。

廬江訪章甫親家翁感贈

已酉秋還楚。是君之官期。甲寅春還楚。是君政成時。別君戊申歲。七載迄于斯。人生幾七載。運事不密移。計茲官始終。聚散時可知。兩過君土地。何有不相思。昔苦客路晚。今幸王程遲。不忍見君面。其如久別離。抑情回我舟。行行繡谿涯。相違朋友戀。相見兒女悲。人吏覩歡宴。寧知心所悽。冠蓋日趨榮。鬚髮日趨衰。迨茲皆未老。乘暇視光儀。久聚歡怨多。吞聲似欲辭。子非不慰留。意滿拙言詞。天人多舛迂。盟好空爾爲。林泉取無禁。區區當憇遺。少同筆硯苦。老共丘壑怡。恐子懷遠略。白首忘所歸。

題茂之所書劉春虛詩冊（并序）

每見古人終身於詩。究其所存。不過一帙。或至數章。則心甚畏之。貴裁也。精於裁。必審於作。慎於示人。乃其高於自處。此予所謂選而後作。勿作而聽人選者也。甲寅早春。舟中閱唐人全詩。畏杜審言之少而脊虛。止十四首。其嚴冷之意。尤肅如不可犯。篋中有高麗妙繭八紙。將索茂之小楷。偶閱此。遂以授之。其紙不浮於字意。似皆有所裁。紀之以詩。只茲十四章。鍊氣已成液。如何平生勤。一字勿苟益。陶公坐高秋。俗士不敢入。不受人去取。孤意自先立。何以莊嚴之。妙繭與良筆。何以展對之。新柳及初日。所貴如其詩。意皆存簡寂。人虛懷而聽觀。

雨宿會聖巖(游浮渡山作)

燈光入幽薄。金碧照石土。夜雨間流泉。風竹連晨鼓。意象了不關。相與無相與。空山歎臥人。虛懷而聽觀。

宵步石廊燭觀於巖壁游浮渡山作

古人負奇情。題巖必幽歎。豈以山水心。取供人耳目。衆遊或失之。冥討須執燭。天風醉花鳥(雷鯉句)。此語無人讀。

總巖

(方廣才數尺。縣孔甚多。每孔刻巖名一。按浮山之數。)

須彌無邊際。有時藏芥子。所以一卷石。具三十六體。六王入秦後。宮闕彈九裏。孔以寫真

形刻以著經紀。尺寸山始終。圖經備於此。予請易其名。其名曰石史。

子有古鼎茂之賞而賦焉和之

土花壓火光。誰辨鼎湖液。雖已滅鑪錘。隱然見心力。情文無所苟。彌想人心質。神理驚幽昧。魑魅不能立。今人耳目玩。古人充飲食。意惟不近人。予益與之習。

省鶴（示茂之和）

物生既孤遠。秉尙必落落。意不可食飲。肯輕訴饑渴。雙鶴亦何期。忽焉于我託。暫籠置舟中。羈爾良自怍。恥受世人寬。寧爲曠士縛。終知得所歸。形拘神或豁。性情忝夙知。倉卒不可奪。魚匪不在水。有口不苟攫。水匪不近舟。有羽不苟濯。釜庾全志士。多寡須斟酌。夫苟傷其心。居食徒爲虐。辭受視其人。臧獲手難着。响沫近小仁。懇爲此物愕。所以躬撫視。旦暮仍審度。

潯陽經曹能始廬下懷寄兼貽梅子庾

我北鴈南來。我南鴈北歸。有似所期者。後先與我違。築室匡廬側。舟往返由之。入室見茲山。其人則遠而。山水在乎人。匡廬空爾爲。匡廬邇不至。而非心所悲。梅生從子處。六載今乖睽。寄書有無間。鴈途矧參差。且更作一想。以豁今所思。如我在燕楚。曾未至於斯。如子在閩蜀。尙未卜居時。

到家二首

舟行起秋末。到家維夏初。雖未遂林壑。暫喜見里閭。嚴親暮遠適。入門悵焉如。弟姪守園徑。猶未甚荒蕪。場鹿識故主。籠鶴欣新廬。開篋檢故帙。如獲未讀書。故人驚顏面。不與新知殊。攜幼慰幽獨。尊酒適有餘。

其二

所親自去年。已望行子反。今雖期逝歸。情言亦款款。既皆惠然來。報之寧可緩。始歸惡聞出。雖近意亦嬾。骨肉易遭延。不覺爲日遠。不自責其疎。頻望恕我簡。反訝我密交。偏何來甚晚。

與弟叔靜過友夏兄弟寒河居（盧非敖王明甫至）

我遊凡兩歸。訪子不能再。徒記子門前。前與寒河對。今遂幻其涂。河流不在外。欲知來往生。但覩門向背。久憩尋初跡。心目猶映帶。鳥聲在殘雨。烟物發其靄。兄弟友朋并。來如風雨會。語嘿如一人。悠然而無礙。

寒河詩爲友夏賦

子居在河干。河水寒其聲。而我來五月。颯然形慮清。乃悟秋冬意。不從霜雪生。動植泐澗之。欣欣無不榮。肅然高寒內。貴具天淵情。

將入城示別友夏

累日皆言笑。兀然無所思。妙想始觸物。乃爲動者機。水泉春初引。端委甚希夷。雖然寂無構。紛如中威蕤。明日別子去。厥緒復惟微。吁嗟動靜理。匪以寂喧爲。非無萌蘖生。朋從中斷之。憧憧往來內。是予機息時。

竹月

涼月白夏夜。意本貴孤疎。何爲竹影之。反益其靈虛。物有時貴多。顧相得何如。

又

竹日處庭中。月偶影其外。反云此奇光。微爲影所礙。物論每如斯。二君則不怪。

伏日頗熱。友夏寄近詩。有雨甚寒。甚不敢快。幸語異而作此。

共茲三伏內。百里殊涼熱。我聞高則寒。子居卑以溲。六月秋在水。河上意先洩。瞿瞿稼穡人。寒早實難結。此時山中士。引領望涼節。峨眉五臺巔。盛夏積古雪。在地自爲夏。高卑有燕粵。頗疑元化隘。氣候近而別。寒暄有倉卒。時地焉可絜。

糴穀

我官已五載。田無數口餘。於爵古中士。食愧上農夫。豈惟廉所致。治生術亦疎。則知不經

濟。理。人。將。焉。如。今。年。春。不。雨。有。田。尙。可。虞。金。錢。今。雖。澀。敢。不。爲。豫。圖。八。月。已。涌。貴。復。如。三。月。初。
富。兒。利。秋。旱。氣。驕。色。踟。躕。富。者。盜。所。寄。此。輩。壹。何。愚。俯。仰。猶。缺。然。賓。僕。尙。我。需。無。僕。身。不。逸。無。
賓。心。不。娛。吾。寧。捨。口。腹。黽。勉。充。爾。虛。爲。備。不。暇。遠。明。春。多。在。都。餘。祿。儻。可。接。舉。家。半。就。舖。三。黨。
猶。嗷。嗷。臨。食。獨。何。吁。



隱秀軒詩集



隱秀軒詩地集

五言古二

秋晚荆門道中抵泉寺宿

向晚秋如何。輿馬行鴻濛。動植猶在野。未落氣先空。平楚遠難靜。秋聲當在中。鳥歸赴殘霽。千山紅未終。洞巖寂寂後。威蕤生衆容。戒徒息泉寺。喜與泉徑通。水木爲秋天。至夜同一風。二水無靈昧。焉分惠與蒙。此時無聽覩。孤磬發深衷。

再過夷陵爲諸同門視雷先生後事題其閣上

夫子意豁如。細故不肯著。後事聽其徒。彌見子落落。山水翰墨事。一過情自若。矧乃前與後。足嬰子寥廓。獨念子純孝。拜母五情鑠。百足仗羣力。是子心所作。哀肅動門生。子神所磅礴。祭養答衆心。營營子所薄。存亡聊復爾。意或別有託。志曰神歆類。類豈必同膜。與子兼師友。形氣久已略。三年訪精神。夫子在斯閣。

輿夢

衾枕寡寧寐。興寢何翹翹。微息寄肩項。數動魂亦勞。平陂在其趾。神與之低高。因想失次第。耿耿隨所遭。艸樹拂油衣。耳根行風濤。頗記常舟臥。鄉夢多招搖。

蔡敬夫仲冬書至云辰州十月已見梅花寄詩二首予未之答及茲再遣書使已是獻歲三日此地梅放未匝輒書所見以

報前詩

君使發冬仲已寄早梅詩。此地未見花。以何發清思。低徊不成報。待此花之期。再辱驛使至。獻歲春前時。是時閱園梅。珍重不數枝。何爲共歲寒。寒花獨參差。君言辰酉暖。花亦有所私。天疎地則親。花時聽土宜。有似我與爾。同枝而早遲。計予花粲粲。是子葉紛紛。花葉不相及。又若同心睽。以此早春秀。答君晚歲遺。凡物貴相代。豈在同榮衰。與君爲久要。共此實纍纍。

飛雲巖

吾聞山出雲。巖則雲之室。茲巖雲所爲。雲與山爲一。山雲老亦堅。浮者化而實。初至怯空遊。梯磴乃歷歷。下上於其間。步步可遊息。石以雲爲神。雲以石爲質。石飛雲或住。動定理難詰。草樹過泉聲。尋之莫可覲。

黔還至辰溪懷蔡敬夫旣見贈詩

去子不百里。我懷彌鬱紆。川陸莫適從。顛倒問舟車。五載別何易。一日苦難需。不知此五載。爲心當何如。祇役過子部。心迹多所拘。此時不悵然。明知有歸途。歸途未卽見。離緒劇於初。萬慮閒乃生。情事方崎嶇。

又

去冬予家食。寄我早梅篇。今來屬秋殘。乃在梅花前。沅江多芙蓉。遲暮非其年。芙蓉不宜後。梅花不宜先。今子欲贈我。何枝可折焉。每得君所寄。思理如雲泉。及茲獲言面。意滿俱默然。吾寧相對默。不願頻寄宣。

欽山漁仙洞尋龍君御所住觀其刊鑿之迹

楚人事黔役。能無山水情。所得乃在楚。特以黔爲名。如彼蜀三峽。其險半於荆。陸行問桃源。靈輿寄水程。所以起辰州。三日聊舟行。穿石望而足。水心恨未停。晚泊欽山下。獲與幽願并。靜者領斯山。意匠妙經營。搜抉畢智勇。虎穴不得寧。頗負康樂才。要與陵谷爭。靈怪爲之避。吏民迺不驚。停舟山雨內。舟停山亦晴。棖桷與巖巒。左右煙中生。屈曲行螺中。子所謂甕城。往往意所息。輒值隙之平。數折聖珠洞。獸跡所縱橫。如何有宋刻。筆體老而清。可見虎穴先。禪者之戶庭。古來幽奇地。人獸居相更。冥心觀去住。鳩鵲開其明。

贈別朱無易郡侯計事畢暫還成部并答前見贈之作

與公同北首。雁行略參差。公不廢餞送。贈以孔頴詩。不自恤霜雪。念我行冰澌。執爨備前驅。我先公則隨。玉帛太平色。車閒馬既馳。藹藹王吉士。胡不呼載之。（指友夏之不得計借也）時哉有難言。與公同腹悲。先生卽居者。主人焉復疑。佳山與佳士。用爲餉客資。往往無意近。能豁夙所思。感公所士意。輒敢舉所知。諒公慎交心。雜客爲公辭。王郎與馬子。文其不在茲。輪蹄酒食場。良晤稀復稀。胡公獨無冗。宴詠頻相追。唯公不泛愛。所以多暇時。甚媿主人禮。猶憇西山期。今遂出都去。暫取棧道歸。棧道勝峽中。見聞多所怡。青山無冬春。非以竹柏爲。矧茲二三月。鶯花方離離。送者二三人。不似諸侯儀。所送則朱公。二三人亦宜。

四月二日楊修齡御遊宴海淀園

燕地三四月。江南二月時。物色淹春寒。此時方妍淒。豈曰桃李後。遂無鶯花期。所以臨眺事。首夏正攸宜。郭外自多勝。城居豈得知。泉石雖云借。盡日君有茲。一座四方人。趣不甚參差。能使孤衷士。酬對亦不疲。則知不草草。於物有調劑。流峙周結構。爲君娛客資。物力苟據勝。山水亦聽之。舟席歎則代。苔石凡屢移。清泛隨孤光。動植沐晨羲。吁嗟綺麗地。情理生幽奇。

七月十五夜月同茂之賦

首秋夜十五。是爲月之時。暑退猶有存。頗與風露宜。置身此光上。不能添我衣。廣庭化爲月。何者中間之。衰枝作庭影。影反妍於枝。虛懷侍清光。魂夢亦相隨。

南歸東別劉貞一待御獄中

古無三十年。地天成局鑰。神龍寄高深。聲臭不可度。理數俱無權。莫能使鳴躍。天其垂異象。皇心喻而作。都哉御慈寧。外斷中斟酌。天日旣已覩。巷牖非不豁。忘意諸小臣。聖衷疑且薄。其於所尊戚。體貌自溫恪。苟能中機宜。匡順固綽綽。吁嗟失斯時。何由更納約。待御班雖後。於義忝鞞鐸。四顧旣無望。直前安敢却。微官易得罪。倉卒風霆落。致君有今日。實以盈庭諾。謂宜面引咎。後言胡救藥。匪唯語默垂。已失後先着。終始揆斯事。誰其司斗杓。於君獨嚴譴。猶知君謬謬。差賢於汎汎。誅褒兩寂若。君曰是何言。徒增中懼怍。有言恨未申。何取身囚縛。看君負茲意。空名恥爲博。吾聞古直臣。退居皆閉閣。頃來鳴立仗。夫豈不嶽嶽。中情旣難言。末路別有泊。或使忠諫途。反爲世所託。區區抱幽憤。待君一灑濯。

觀朱叔熙所藏唐榻雲麾一碑顏柳白傅諸帖及米書

人情固貴遠。魏晉猶下風。紙墨出三唐。已與金石同。借觀廢寢食。心目行鴻濛。物苟詣其至。中古具義農。一字一氣運。道從而污隆。節義與風雅。顏面見數公。

入舟 八月廿五日

勞勞人我際。歸路卽休期。所畏更車馬。風雨以驅馳。川途聞屈曲。行止安能知。周身天與水。物役不我隨。而我此心目。又能閱四維。秋深氣苦肅。太暄亦失時。涼雨未至寒。適與動息宜。夫旣利其暇。焉敢復憚遲。楓橘與煙霜。所至非有差。努力及前路。齎意欲何施。矧茲歲月內。不能無所爲。此中苟有獲。卽我性情資。

舟月

秋深夜苦多。月與之終始。萬情俱願息。流光獨不已。夜亦有盡時。波間方屢起。

又

水月非不接。煙乃在其間。非惟無所累。孤光如更閒。共此一秋色。以類相往還。

又

水夜獨有月。秋亦難爲清。光輝積而盛。衆有莫能爭。夜亦自有色。非皆因月生。

贈徐象一年文并索其畫

吾友徐水部。文心本塞淵。比來於畫理。自言心力專。文事子處後。孰能爲之先。乃知文章道。世多草草焉。精神久寂寞。盤薄見其天。以此悟爲文。瞻之已在先。能使今文士。內省思其愆。

許我作數筆。鄭重至經年。知子不宿諾。以待神之全。古之耽畫人。宿生山水緣。胸中有高深。子筆我則絃。臥遊在爪指。意各不能傳。有時四壁響。峨峨泱泱然。

登岱山

茫茫何所祖。先物而稱宗。衆靈果奔赴。如水無不東。似已見太始。猶疑不鴻濛。形氣錯人鬼。結構未免工。日月生沒際。金火光熊熊。是諸種種象。熅然鎔其中。暫時觀混沌。下上歸一風。天非但蒼蒼。無故生衆容。我處元氣上。玄黃反莫窮。

無字碑

如何季世事。反近結繩初。民不可使知。亟亟欲其愚。隱然示來者。此意卽焚書。

尋西天門

石何時起立。中關爲雙闌。人力所不與。因而曰天門。石勢如風雨。內外相崩奔。虛無緣倚墜。煙日以爲根。吁嗟不自必。落落幸而存。吾欲鑿越觀。以達龍峪源。夫惟或隔之。所以幻心魂。

宿頂候日出

朝旭不待朝。來宜先於旭。去地四十里。曜靈異所燭。不應此天海。如是近而促。一嶽隔元化。日月有淹速。至此已無山。此物冀先矚。託宿最高寒。神魄始曠肅。風霆搖夜夜。下方人事閭。

吾聞登岱人。奇光有時縮。根或有靈鈍。志氣各感觸。居處敢不變。亦以告虔篤。

降自孔子崖循黃華洞止焉

山有挾而勝。不專在高寒。粲粲黃華洞。聲光夕陽間。萬松裹泉石。往復多其端。泉不壁而瀑。松不風而湍。層巒或漾之。偃仰生微瀾。巖壁不自主。煙日靜而安。蘿石相磴棧。屈曲自糾蟠。雖無人上下。其勢若牽攀。以其處山半。末力厥維艱。遊者曰登岱。遂不復降觀。

傲來山

望者遠而略。然得山之全。近郭岱已具。人馬欣雲煙。牒牒達天門。天門非一天。向所指爲岱。岱曾不與焉。乃知是傲來。相顧而爽然。察所由起止。與岱相周旋。扶持效媚茲。詭激而使娟。雖爲岱疏附。其它不苟連。升降殊所覩。去來情屢遷。於維岱曰宗。理氣資節宣。

再憩朝陽洞泉上

吾觀岱前後。泉石相循環。聲情蓄幽阻。人所不往還。茲得再眺聽。以處嶽路間。昨登後石屋。視此邃而寬。低徊欲居之。惜茲衆妙殘。其實不甚隔。揆勢皆半山。水木風同響。孰先發其端。

岱草既定讀友夏南嶽記及詩

曰共作寨遊。諾諾歲月內。子之南嶽心。猶我視東岱。真遊良有關。焉保無拘礙。我岱子則

衡豈云非意外。文章山運數。天人有所愛。自子記南嶽。嶽不自靈昧。我未登岱時。讀之神內戒。今自省所爲。視子猶未憊。妙言生興願。深淺機緣會。勿各矜所獲。且用交慰快。同遊古不無。未聞由預待。

三月三日新晴與客步看所在桃花

所寓在郭外。出入難一城。意但取居止。頗爲花鳥營。花辰多在雨。春亦莫能爭。恆恐桃與李。汶汶過此生。何意留佳霽。上已連清明。數步卽花事。聲香中外行。始悟居近郊。有遊人我輕。花開無先後。貴與遊事并。出門花未落。今日看花情。

牛首道中看人家桃花

桃花沒人事。青山又周之。花能紅幾日。春山青無時。恆暫雖異數。幽艷理相宜。亭檻聽林水。高下不難施。繁花裏心目。形神無以爲。感彼榮落候。同茲風日期。竹栢風前後。謾謾晨夕吹。

舟過郭聖僕范漫翁二居士

輕舟隨風日。吾意有所尋。眺聽在其內。林水方蔚森。泓澗凡屢變。所至爲霽陰。新流周我舫。不必廣且深。伊人寄靜外。奇尙而素心。衡宇異郊郭。雲煙接一林。

宿烏龍潭

淵靜息羣有。孤月無聲人。冥漠抱天光。吾見晦明一。寒影何默然。守此如恐失。空翠潤飛潛。中宵萬象濕。損益難致思。徒然勤風日。吁嗟靈昧前。欽哉久行立。

七月十五夜登雞鳴寺觀懺度

地高秋不測。悠悠但一光。不須借風露。自然生微涼。陰物乍離暗。視明猶彷徨。戒僧登座說。此是日月鄉。皎然聲影下。悲歡如迪嘗。湖山一以去。天野何荒唐。

歸至雪浪菴看紅樹

是恩公故居

年貌已云晚。起止亦有涯。有情念其盡。何異惜春華。客言此中勝。一歲在桃花。寒紅破浪出。三月秦人家。不作榮衰想。春夏何以加。登涉誠有際。棲息則幽遐。歸途有如此。所得非不奢。僧寂留生具。我見不咨嗟。學徒幾人是。威儀蔬與茶。何年霜露裏。紅影不橫斜。

贈曾伯陽母

歷觀真佛子。誰非慈孝人。悲哉爲法故。乃以憂其親。所賴母有志。明信同宿因。斷臂獲法寶。此真不失身。何況戀甘脆。區區菽水仁。多生罔眷屬。斯須作天倫。婆羅有此母。三途免苦辛。

正月初五日治城看殘雪作

積雪何所似。白地一明光。於何見剪繪。落落綻微陽。存者去者半。鱗次表低昂。存者反作

質去者錯爲章。質文難思議。高處辨其方。是時尙冬序。春物猶蓋藏。人意有所向。岸草與隄楊。已覺耳目際。先有一青黃。白寒在林壑。不以爲冰霜。

採雨詩

雨連日夕。忽忽無春。採之淪茗。色香可奪惠泉。其法用白布方五六尺。繫其四角。而石壓其中央。以收四至之水。而置甕中庭受之。避雷者。惡其不潔也。終夕總總焉。慮水之不至。則亦不復知有雨之苦矣。以欣代厭。亦居心轉境之一道也。作採雨詩。

連雨無一可。不獨梅柳厄。可助茶神理。此事差有益。置甕必中庭。義不傍檐隙。豈不速且多。汗濫亦堪擲。志士羞捷取。先難而後獲。網羅仗匹素。承藉敢言窄。取盈亦人情。反喜溜聲積。遣婢數持燈。驗其所受跡。用蠲苦雨情。聽之遂終夕。

丙辰江西大水。故憲副太和臨臯楊公在殯。其弟貞叔負其棺。與水出入得免。予友楊武部邦隆。憲副公之子也。泣道其事。鄒爾瞻先生作風木樓紀。述其事親始末。鍾子讀而歎曰。貞叔之爲此。有本也。紀之以詩。

岷岵思父母。末乃及於兄。罔知至性人。孝友同一情。古有伏棺者。入火神不驚。彼子君則弟。易地無重輕。吁嗟志之壹。乃與水火爭。竟亦獲旣濟。智勇根於誠。備觀君本末。純孝通神明。

存沒急難誼。一一由此生。世皆誦奇烈。君視實平平。移此於君友。豈曰非艱貞。再拜書於策。人倫著紀經。

歲暮送姪昭夏還家兼示弟恠等

汝父齋志日。汝生四月餘。今見汝作父。予身爲獨夫。嗣衰觀子姪。敢復問賢愚。况汝能念我。至性輕長途。久侍忽言別。情劇未來初。此時吾念汝。不獨爲孤癯。問予此二載。何以處南都。惘默不能視。中懷各焚如。亦知汝有母。不敢言倚閭。恐傷遠人意。予懷彌崎嶇。官無九里潤。子母猶饑飢。親見我近狀。不嗔薄且迂。其茲秋冬內。愛掩督課疎。廣汝以山水。靈汝以圖書。此事勝誦讀。有所開悟無。以此爲實歸。此來亦不虛。汝叔近落羽。文章又失圖。榮利鑿忠厚。宦路與鬼俱。但令各有子。耕學親可娛。豫營人外計。饑寒不暇虞。兄弟息俱晚。家督則在渠。富貴不敢覲。要爲幼者模。爾勿恃周親。悠悠忘爾孤。

隱秀軒詩地集

五言古三

補和楊文弱年丈書德山讀元碑見寄之作并序

萬歷乙卯閏八月。予以典黔試竣。還過武陵。候年伯楊侍御脩齡先生。與文弱道子。遊德山。登覽之次。覩莽中一碑。闇然如礪。有文可按。迹之。爲元丞相姚雪齋送僧歸楚詩。詩甚雅。草書有右軍筆體。因輟遊事。各竭其心目之力。由偏傍得字。由字得句。由句得篇。思者退聽。得者競發。脩齡先生命予紀其事。未果。久之。文弱爲詩寄予。深妙渾成。已獲其珠。予恥於鱗爪。憚而未作。今茲寄予全幘。再覩此詩。因再和之。在己未正月十日。

枉渚猶脩竹。清湘多古煙。坦步輟思詠。靜得文字緣。精神超礪莽。文質中塞淵。心形忽而止。遭異同所虔。作者標勝國。未窮金石年。剝蝕增時代。曠如邃古前。虛懷候其至。蹭蹬如恐遷。當其泮渙際。意滿莫能先。思理蘊殘斷。不爲鈍者傳。離合不可強。以特慧與專。誤書思即快。不必得其全。一靈散羣慮。半者有時圓。逢舊如創獲。字句忽以篇。數載憶斯日。願力亦云堅。

已未白門嘉周伯孔至讀其詩記前會在巴西歲

一士才德成。天人幾交釀。勿曰兼人資。後遂不可量。閱人久且多。本末自殊狀。風日損不知。驕吝長已喪。能使好德人。十語九成妄。見君白門日。弱冠神內曠。如彼岸未登。意已先人上。敢自負人倫。秉彝不能忘。人多惡其狂。利子終易向。予雖不謂然。口譽心兼創。今茲後我來。再見君已壯。安保十年外。前途副遠望。交相勞苦言。不暇道無恙。舟近察其人。豫覩清實相。拜手誦清風。穆如表靜尚。曩言庶有試。今懷始獲放。感子不相負。非因來破浪。默思昔搖搖。爲子肩疑謗。愧予當子年。事事遠相讓。雖云根器殊。亦緣心目障。倘有他山石。如我於君嚮。何至老大時。衰劣猶悵悵。乃知賢愚分。運會默相仗。

得韓求仲書并所選文二編感而有寄

十年明一窺。人生年幾十。可見始禍人。爲謀亦不失。左官無明條。聊取前事畢。素心如諸生。寵辱安能及。諸生如之何。屹屹事經術。繙校非苟然。血誠散卷帙。可以有感通。匪惟存矜式。笑向冥理游。淵淵神內實。各思看花時。少壯意難戢。今來是再見。木雞應可挹。

題徐生山居圖

古之歷落人。人不可衣食。又况可得居。一枝如鳥息。愚公庇天下。不苟德所識。徐生雖相

依雅亦能自立。宜於汎愛中。求分萬間一。愚公獨重之。幸舍與棲集。既貴長且賢。下交無倦色。生亦安廡下。以明愚公德。張公畫隱人。長者年七十。高愚公古誼。圖之以特筆。

冬日登虎丘

一丘但清妙。霸氣如暫銷。層層不覺上。心目隨所超。吳天多在水。澹澹不能高。歌吹石留響。精靈澗沓寥。柔艷輟秋冬。溪山多後凋。以茲巖枯內。彌想其天喬。暮烟看羣動。去人抑何遙。

將訪茗雪許中祕。迎於金閭導往先。過其甫里所住有皮陸遺

迹

鴻漸生竟陵。茶隱老茗雪。襲美亦竟陵。甫里有遺轍。予忝竟陵人。懷古情內挾。十載吳越心。風煙未遑接。誰知茗上路。可用甫里楫。迎送非俗情。山水分夙業。吳淞始有江。天遠流漸疊。未揖桑苧翁。皮陸迹先躡。苟可添佳遊。取途何必捷。二公居遊地。一身逝將涉。

游梅花墅

閉門一寒流。舉手成山水。動止入戶分。傾返有妙理。脩廊界竹樹。聲光變遠邇。從來看園居。冬日難爲美。能不廢暄萎。春夏復何似。何以見君閒。一亭一橋裏。閒亦有才識。位置非偶爾。

將至吳興訪韓求仲年丈雨中舟進暮泊城外言懷

出門武林心。中間若雲艷。移帆暫先之。初懷有時變。豈知湖山外。別有深緣願。伊人水一方。屢盟圖再見。山光十里來。澹爽如君面。自許今夕言。從昏至於旦。風雨示其難。進止斯須亂。揖酒拜榜人。黽勉幸勿倦。舟泊雨晴初。月生更未半。微照接離緒。烟霜亦婉變。

訪趙凡夫寒山所居其先墓在焉賦贈二詩表其山志

不謂入戶久。身始行山中。水石凡幾里。坦步得始終。此山廿載前。無人山月空。居士開山意。一以孝思充。人所美丘壑。君作桑梓恭。高下奉先志。疏鑿敢不躬。吁嗟志氣壹。思理爲之通。天人有幽贊。靈昧無不從。積歲殫頂踵。旣成仍鴻濛。久住覩剝蝕。巧力亦旣融。大哉風霜權。能滅斤斧蹤。心力示來許。豈曰非天工。

又

天哀至性人。酬之慧與福。慧亦有聖狂。福亦有榮辱。君秉清淨根。餘因及眷屬。奧博友逸妻。閉門一佛族。共資津逮恩。雙脩報鞠育。昏嫁累不多。有子兼式穀。空山焚誦時。聲聲在風木。誰令丙舍傍。豫爲置澗谷。地旣煩表章。人亦逐邁軸。嶺誰名涅槃。應待君卜築。何哉一朴心。經營妙伸縮。

詠古玉刻螭子得蜂

刻玉作二虫。子母願何堅。有絲不忍縛。厥意在纏絲。有辛不忍螫。含飴相愛憐。吉夢乃生男。朱芾萬斯年。漢臯豈無珮。徒結燕婉緣。

始晴 二月二十一日

入春已五旬。春從今日始。冉冉梅花年。奄忽接桃李。常年新柳來。淮流不濡軌。今年新水來。依依黃幾里。相值亦偶然。彌覺風煙美。二月城南遊。輟入淮流裏。仍作閉門人。清興未遑起。

秦淮晤別詩 晤徐元歎別哭去塵

子來望之夕。桐月照新涼。是時子見我。空綠猶霑裳。今春約過子。梅花不可忘。蹉跎遂首夏。各道梅子黃。子心自冰雪。如攜鄧尉香。曰子往不易。子來焉可常。所寓近淮流。可以日舟航。如何四月望。忽忽欲端陽。有美得吳子。况皆婉清揚。復有何異同。良晤猶相商。淮流三十夕。夕夕明月光。今雖屬晦夜。積暉如清湘。吾弟共斯契。我舟弟則牀。可見佳情事。意外多所妨。子雖來十日。但如始至觴。吳子諱言別。引衣已欲裝。子又云此後。別予隱石梁。此夕暫復暫。前後一何長。汨汨百念至。未暇及文章。

于胤先北上過白門持同年夏祠部正南書相訪策遼事賦此

贈行

承平一事起。百千功名人。建言無禍福。䟽賤亦得申。兩載非遼事。出語遂無因。口耳遞出入。茫然孰爲真。聲盡鳴亦止。不必中苦辛。雖無出位罪。未聞用其身。于公懷表餌。往往言中倫。致身別有術。匪用干要津。迂慮謂今患。不獨在虜塵。假使遼遂伏。標本難具論。豈云焦爛後。遂無可徙薪。君地文武彥。矯矯多力臣。我友夏祠部。况君之周親。君宜作狂腐。冒昧先叩陳。

梁無他水部自潘景升處投詩見贈賦答

性雖不適時。索處亦何獲。况復本寡昧。能無藉三益。數載見人情。旦暮有今昔。平時曰知慕。過門馳短策。亦有下問者。不招造我宅。未忍相誑誤。古道共尋繹。面從久不堪。反脣見罪謫。加以嚴冷名。初心彌踈踏。以茲每自安。客居半屏迹。區區好德心。幽明庶可格。同心在四海。閉門原不隔。婉孌梁水部。虛懷忘我僻。緘詩不通書。曩疑猶未釋。必也笑相視。乃各覩肝鬲。我友一片心。慙慙爲騎驛。

王文肅公專祠詩

君臣共元化。宰相尤樞軸。今之師保傳。於古曰三獨。以親則心膂。以尊則伯叔。豈曰猶夫人。無故叨簡錄。矧乃不世君。豈能覩庸熟。聖主責愚相。不待其覆餗。以茲輕且疑。積而成躑躅。三四年中。吾見王文肅。御札藏公家。惺也曾跪讀。每於點畫內。尊禮意堪掬。致此非苟然。才

誠妙伸縮。嫌怨盤錯。間微茫爭倚伏。業已忘非譽。豈惟輕寵辱。九廟實臨之。貞心照霜旭。外人甯得知。聖主獨鑒燭。所以越庭推金甌。默有屬險人。與腐儒。大奸之臂足。謠啄不自由。犬吠驢鳴續。於赫哉明綸。竟以此曹束。邇者舌耳敝。強半爲枚卜。宸聽歎天淵。幾成道傍築。那知恭默中。口憤於此觸。庚寅歲召對。巷牖公啓沃。此後多靜攝。臨軒勞補牘。正使日三接。羣情彌窘促。乙卯庚申事。可以見碌碌。安得公其人。清問堪反覆。乃悟再召公。宸斷超流俗。年來誤國人。巧於逃大戮。不居權奸名。猥以庸自贖。大臣係安危。庸卽同凶族。醫以庸殺人。參苓等鳩毒。安得公其人。默定紛紜局。國未竟其用。身後蒙尸祝。吁嗟塞塞心。此事非所欲。庶以風來者。頑懦有私淑。

錢時將自吳過訪因謁梁水部於蕪湖反再見予送之歸吳

士能苟讀書。無文亦自可。篇章日日傳。吾知腹未果。錢生學道人。著述不妨夥。案之皆精博。孔釋如觀火。別予謁梁公。反不忘見我。離久如初逢。去鶴空中墮。歸吳臥冰霜。經籍以自裹。病中買得一侍兒。名曰靈光。因憶唐人有新姬侍疾之作。戲和其意。

其意

置婢亦偶然。何嘗因病阻。女子稱薄命。低回向父母。雜香照火臺。幃燈孤未吐。中有枕衾

人叨作羣艷主。未及辨時地。傍列人三五。何暇自言新。默然入儔伍。錫余以佳名。傳呼別衆女。親賓明日來。推排避無所。君言蒲柳姿。吾衰良負女。自有生平顏。來晚未及覩。毀容傷君心。隨例成眉嫵。察君雙眸光。炯炯能識取。黽勉待君健。精神照窻戶。只作初相見。飲食重歌舞。况非既嫁身。良時猶可補。

五看雪詩 有引

雪無暘於庚辛之冬。春者看雪無博於庚辛冬。春鍾子之在白門者。由今想之。於木末亭。於雞鳴寺塔下。於烏龍潭。於孝陵。於秦淮之舟。大要木末之雪秀。秀於木。於煙。雞鳴寺眺後湖。後湖之雪曠。曠於湖。烏龍潭之雪幽。幽於潭。亦於木。於煙。孝陵之雪雄。雄於陵。秦淮雪舟。前此未有也。雪則蔣山。蔣山之雪活。活於從水看山。退尋追賞。作五看雪詩。

木末亭看烟雪

羣動無漸次。同時被萬光。平楚出其端。煙杳生下方。若非寒悄悄。已是春蒼蒼。始知原野秀。或不藉青黃。亭臺不足言。當觀於大荒。

雞鳴寺塔下看後湖雪

日日玄武湖。今朝曙暉廣。波不在湖中。白非生雪上。明明忽如月。堪作清夜想。奇光不可

名茫茫從此往。

烏龍潭看雪

天淵但一深。初無陰霽殊。身處孤光內。乃知積雪餘。寒照無遁情。動蟄難爲居。此時同一覺。靈者獲其珠。

孝陵看雪

王氣養晨寒。積厚光亦融。松楸自森肅。陵谷乃鬱蔥。一日難思議。萬象無始終。鞠躬向山爽。六龍在其中。

秦淮權雪

淮流與蔣山。雪期苦難共。臘雪忽過春。意外流澌送。山中所消水。還爲看山用。寒影本卓然。隨舟或蠢動。從舟見諸山。舟輕山則重。

靈谷看梅

一雪達冬春。萬花生巷陌。嘉祥久且多。物情反成歎。霽後速我遊。春物宜甲折。空濛煙靄中。郊原胡以白。得非消未盡。餘霰猶狼籍。何知是寒梅。遙香表韻格。澗松暫輟聲。留風吹素魄。氣如可承攬。光真難採摘。孤疎有本性。花煩終不積。感君開較遲。來晚及芳澤。折枝愧區區。聊

志私所惜。相延歸索笑。勿謂瓶中窄。

賦得陶士行母贈姚孟常母文太孺人

截髮一何苦。結友如不足。所求在宦達。未能超寵辱。不應如是母。教子以干祿。三讀陶公傳。悔此論未篤。晉室何等時。首足已翻覆。亂頭養望人。何關於剝復。區區陶長沙。大廈之一木。其母知是子。才誠堪補浴。猶慮狃近圖。有負於鼎軸。一片截髮心。感勵等慟哭。所以惜寸陰。孝哉守母最。如彼仗劍人。劉項運已下。死生雖不同。各具興亡目。非無匪他志。足以樹儀鵠。別有尊攘懷。自隱於膏沐。尋常柏舟言。難爲此母讀。

城南古華嚴寺半就傾。顏奇爲清崎。同一雨法師。徐元歎陳磐。生往訪詩紀冥遊兼勸募復。

六載秣陵人。自許遊栖熟。所愧城南寺。前此未寓目。懷新快初至。詢仰得前躅。數里磬香中。人我在空綠。金碧感廢興。林軸增幽獨。佛事寄花果。僧意安水竹。微雨灑新陽。羣有俱膏沐。淨地不必言。亦可備登矚。先往勸同心。靜者來相續。庶借奔悅情。共爲信施最。

遼陽陷後聞友人張任甫先赴參謀之召得書詢知尙未出關。欣慨交心勉其後圖。

君有吞胡志。時無御衆才。無故驅出關。委敵亦足哀。頻年壯士去。君見幾人回。犁庭名洵美。誰實受其災。爲兔而忌狗。別自有覆培。騎劫代樂毅。賊喜士氣頽。預知有今日。不待敗音來。城亡義軍死。甯止四萬哉。聞君方被檄。引衣就行枚。非不欽壯志。巢卵恐同摧。捐軀屬無名。爲君中徘徊。智勇生有限。疆土猶可恢。書來知遼陷。君猶在燕臺。從此宜審擇。努力收餘灰。

遊茅山

山以人得名。去來關隆替。犯雨訪句曲。諒亦有冥契。依夕忽如朝。輿步踏殘霽。天寒百靈肅。山空象響厲。嶺上自白雲。真人已天際。始悟洞壑迹。祇是真仙蛻。按圖窮物隱。歲晚冰霜閉。

觀顏魯公所書茅山玄靜先生李君斷碑

世人覩神物。不賞亦不忌。一落名山中。衆靈必驚異。所以金石文。往往半完毀。運數雖不同。珍惜理無二。吁嗟唐以前。此山無一字。崎嶇平原筆。摧折亦數四。殘光照灌莽。去留不無意。逸姿寄典刑。妙情超勁氣。如彼蹇蹇臣。反見爲媿媚。此在顏書中。圓警最滿志。中分幸兩存。延津合亦易。不然或收之。斷者曷能覲。

隱秀軒詩集



隱秀軒詩玄集

七言古一

題林茂之畫壁

胸中既有真山水。壁上何知非絹紙。約略山雲膚寸間。汨汨俄焉潤圖史。意所纔見筆輒追。不然過眼將失之。有時伸紙乞君筆。未必風神能若斯。

題張金銘紙帳

搗繭成帷古香裏。入秋須此獨何急。君言密理勝輕容。容易秋聲不得入。果爾不入秋聲悲。幽夢應無闌出時。

送鄭季卿之金陵兼寄書南中所知

昨者看君無去意。朝來忽定南行計。遠別應作數日惡。君今發口何容易。金陵故人無親疎。一日二日難作書。書札有無意恐殊。欲作不作中躊躇。君言傳語終泛泛。隨筆數行自有餘。君欲買宅秦淮老。爲君卜鄰難草草。左方幸虛一笏地。遲我數年移家至。

將移居題別畫壁

屢欲遷居向他處。念此數回不能去。山水無人秋作聲。一室烟嵐自朝暮。畫壁本圖當臥遊。誰知終亦不能留。此中清景消不得。況乃置身林與丘。

八月十四夜集別張金銘年文暫假歸沐

今夕與君同杯酌。君言不如歸家樂。歸家各有索居時。晤言今夕成今昨。長安忍作終年遊。苦死難爲明日留。明日不留吾不強。途中豈可值中秋。滿口留君意半闌。自慚今夕滯長安。思歸轉挽將歸客。但覺臨歧置語難。

上白帝城望杜少陵東屯居止遂有此歌

白帝山水何參差。欹側升降相蔽虧。拳石勺水細已甚。無有不歷落嶽崎。杜陵野老雖間關。不肯卜居不經奇。胸中眼底足相發。其人其詩皆似之。天生夔州此山水。不住此老欲住誰。暫駐夔州詹郡伯黃楊二司李招集白帝城戲柬三君皆楚人

人生客遊何者美。其一友朋一山水。山水難逢白帝城。友朋況值皆同里。四牡雖羸忝使臣。昨朝過此坐牛塵。今者舟輿太供頓。何可游山無故人。三君肯分置三處。客中快度三朝暮。壬子四月六日送春于野

百日春光亦已倦。來時不迎去却餞。前者寒食一月前。郊行才識春風面。鶯花就人人避之。遠于將之空戀戀。送春不必送花鳥。首夏鶯花正繚繞。二月花時空復名。風雨如秋寒悄悄。從茲不作閉門人。青山無日無春曉。辟彼黃花說重陽。重陽曾見幾花黃。

吉祥寺松下夜歌和友夏

報國松勝靈谷松。權奇屈曲如巫峯。物神往往失本形。蓋影濤聲皆已庸。苟不貴形直取意。今見此松貌亦恭。是時宜月特不月。有意幻昧其聲容。一枝每具一丘壑。風泉畜泄如未落。以此彷彿報國松。辟置盆石當五嶽。

玉泉寺鐵塔歌

五金惟鉄最愚劣。化爲浮圖萬象列。立山水中精神子。瘦幹高莖疎其節。日星散氣冰霜結。佛數恆沙萬生滅。蛟人出波鱗介別。商周墨玉漢凹凸。似非驢冶出鑄鑠。臥蚕盤螭不瑣屑。元氣淋漓取精竭。阿育之鉢藏敢泄。鬼物司之莫能竊。其中出入風雷截。流出峨眉神僧掣。關係運數汗隆閱。匿光送景大地臬。摩娑情文耳目悅。如几案間可擺撤。巨細靈頑理難絜。勿云巧力傷樸拙。請循其本仍古鉄。

隋大業十一年鑊歌

大哉形神相亭毒。金鉄斯壽衆形促。若將神氣視金鉄。金鉄猶爲有形屬。大業之鑊到於今。水火退盡存者金。以置佛前配古塔。後人不信爲釜鬻。天道三十年一變。後火前薪不相見。一鉄萬古此聲色。宛對鑄者刻者面。自唐以後諸不朽。有此鑊時皆未有。吁嗟形反能不化。不以精粗爲近久。

鄴中歌

城則鄴城水漳水。定有異人從此起。雄謀韻事與文心。君臣兄弟而父子。英雄未有俗胸中。出沒豈隨人眼底。功首罪魁非兩人。遺臭流芳本一身。文章有神霸有氣。豈能苟爾化爲塵。橫流築臺拒太行。氣與理勢相低昂。安有斯人不作逆。小不爲霸大不王。霸王降作兒女鳴。無可奈何中不平。向帳明知非有益。分香未可謂無情。嗚呼古人作事無鉅細。寂寞豪華皆有意。書生輕議塚中人。塚中笑爾書生氣。

贈李長蘅

題君三絕君未領。看君意色何淵永。若登絕境已無餘。自茲以往復焉如。興來興止性情真。有意無意如其人。予家畜子寒林圖。秋冬之際子精神。乞君再作無所拂。子意其當無苦物。

寄題友夏紅濕亭

落日在湖沈紅濕。日日湖中見未及。子亭其上朝夕之。朝見日來夕日入。日光水光相原委。紅者非日濕非水。偶然過眼或失之。不及要人時自起。予住寒河未有亭。寒河水日何嘗停。日光水光欲示予。予登亭時恐不如。

章甫贈雙鶴歌

至人耳目卽霄漢。鳴舞庭中豈近玩。支公放鶴鶴肯去。意者孤棲求其伴。若使雙雙如友生。在庭在野同其情。所以君今同損致。不使異處分飛鳴。予家隻鹿不我違。予有一鹿放之不去。豈有雙禽苟爾非。此物求友亦擇主。惟我與爾終其依。垂老期君共丘壑。養成頂翼待君歸。

登浮渡妙高峯歌（茂之題名）

浮渡無峯亦自可。有巖三十六右左。妙高峯妙殊不高。三十六巖已在我。大通巖瀑出天門。振衣忽向天門坐。向者首楞高云阻。才坐石獅皆可類。石獅口吐石鸚鵡。上者吼兮下者語。樹苔純駁藻一山。雪日淒妍煙衆藪。居高臨深領其要。洞巖碌碌誰能數。笑我蠅頭二千字。君但大書三十五。

舟屋茂之所居改以巢鶴歌

勿逝我梁發我筍。物情往往恤其後。鵲巢甯保鵲終之。但慮來者非吾偶。子去子居何忍

收。維鶴與子終其儔。後有斯物前斯人。猶勝爲巢讓與鳩。鶴處籠中鞠其躬。察子形神爲之愁。我欲客爾鶴亦樂。爲我與爾忍拘縛。留君君去君不居。維君亦念鶴無廬。君無所恤鶴不辭。代蕭者曹何遜爲。月明江空時一鳴。是君中夜長嘯聲。

觀日歌

濛濛萬象未勾萌。居天海間發其英。殷勤照我三萬日。何惜一朝觀其生。已非昨夜特未朝。去天趨親海趨遙。一碧以上冠萬光。光以內外星搖搖。此時星如不欲落。氣之所至星光弱。人指萬光作日光。良久日從碧中躍。新出於浴未暇圓。水風厚兮日猶薄。蹭蹬拍浮光無主。火金與水相子母。遵養時晦諸氣中。赤黃去盡白始吐。目中空華誰所爲。問日不知目當知。元化中邊無定理。人各言其所見爾不然。此光以往天尙多。此時東西影如何。

插戴詞

昨日見人初不怪。他家女郎皆出拜。俄聞插戴在今晨。得無昨事遂爲真。風俗重此勝花燭。此番喚出始怯人。牆頭簾內集聲影。唧唧如聞未露身。掌中嬌稚乍悲羞。徘徊約指與搔頭。約指搔頭鏤金粟。欲近髮膚未忍觸。要知禮義女兒身。非惟細意拭香玉。無處驗郎百歲情。手着儂時指爪輕。

見姬人臨妝看鏡中臘梅花

有花非梅目以梅。蘭蕙雪霜共體裁。色香自殊花同時。稱名稍以臘別之。此花雖負梅之名。覺比梅花又深情。寒素能不廢柔艷。不與同苦同其清。呼儂梅花儂不應。笑指此花是我生。朝夕與之共言笑。安得鏡中不同照。今晨邀與共爲妝。照色照香誰最妙。花在枝頭不感人。有時憐影勝於眞。將身入鏡伴花影。忘却外邊花與身。

又

同向冬春爲色香。以臘爲行名獨彰。何意邂逅承嘉運。歲寒同薦君子房。邂逅同房非偶然。君有玉臺不敢專。人道入宮易爲妬。儂言臭味易相憐。相憐一向同雪霜。今晨才共明月光。人與花枝共明月。聲香欲盡清輝發。清輝非神亦非膚。花影反憐人影殊。寒花有情向人語。我見猶憐况老奴。此意不但在君前。看君出門然不然。

新姬手植盆蘭引

平生憐花如自憐。未必花花儂盡然。國香本自房中物。歲植牀邊獨浣拂。今歲人情始學分。但看入手孰芳芬。物生有命在時地。亦關心力勤不勤。難惜纖纖暫同涅。情知手與花終潔。郎言此花名宜男。郎今且莫向儂說。此事應亦有人知。儂去女兒今幾時。

元旦臘雪歌和蘇弘家符卿

時廷尉董公光祿周公各以朝正孝陵有詩紀之。

冬春寒甚同一雪。人事天時休咎別。氣能壓蝗春則否。去年南北事尤切。年來邊腹不可言。事事默恃歲無孽。人亦有言重民危。標本之動始於饑。饑卽其病食卽藥。病者安穀亦過期。猶記楚中歲戊子。斗米二百錢未已。爾時糴貸反能支。未見確然皆餓死。後一紀餘斗百錢。滿眼郊原骨拄天。可見公私錢漸空。有年難於昔無年。况今又過一紀半。事可憂者非目前。且看卒歲野無白。三公矧負陰陽責。天爲今年特展期。十日以內猶爲澤。（是歲以正月十一日立春）何如一雪達冬春。屈指元旦自元夕。未離冬氣易爲冰。一夜陵園堅幾尺。各採晨寒佳氣傍。首將歲事薦高皇。歲內旱蝗臣盡瘁。萬一微誠補天地。尺寸無多運數寬。議蠲議折非長計。京兆親民嘗服勤。救過不暇敢言勳。今得移將別補湊。精神免爲捕蝗分。

自題畫贈商孟和

計君別我六年矣。予之學畫今年始。嬾衰事事減於前。却有閒心到畫理。久近工拙不必言。別來新事添驚喜。士隔三日當刮目。意外他長甯止此。授我蜀箋誠自作。恐負佳紙筆未落。交情雖復意欣然。心手從違亦斟酌。數撇枝柯不敢多。蕭疎乃反得婆婆。中年服官始作畫。勢

亦不能復求苛。君言貴具文人氣。正於離處察其意。熟後求生穉求老。再晤君時方許議。

桃花澗古藤歌

吾聞藤以蔓得名。身無所依不生成。看君偃臥如起立。雅負節目不自輕。昂藏詰屈自爲樹。傍有長松義不附。春來影落澗水中。不與桃花同其去。

禮牛首畫祖像歌（并序）

牛首舊有畫各祖及諸禪師像。凡百軸。今存者八十餘軸。其他皆不可問。東祖達磨北地法融亦與焉。歲久絹墨非故。惺爲疏募裝之。仍自書各尊者出處於首。好事者補之。滿百。偶與福清林古度同邑。譚元春湘潭周楷同游於此。瞻禮之。遂作歌。并記其存亡新舊之數。以付守者。時萬曆己未六月望日。

畫家身手佛心腸。妙總異同變無方。寫示各祖次羣宿。鉢緣欲盡燈始張。邀歸縑墨無先後。要使諸燈共一光。縑墨壽匪金石匹。筆端願力與之一。早知像教劫殘時。便是賢愚興感日。悲喜敢云懼也始。佛化世人先頑鄙。一念或爲動者機。衆力衆情同起止。衣履須眉隨所挹。敢以語言自添入。直書其事待信心。爲佛爲世標性習。東祖菩提牛頭融。何可山中無此翁。僉謀補之或曰否。二祖神明各祖中。

隔雨聽鼓吹歌讌俞仲茅駕部水榭作

池水澹澹秋颼颼。夜中聽觀寒相周。主人哀樂本異人。喧靜不同同其幽。有聲落葉哀蟬內。難向葉聲蟬聲求。池月倦來檐雨代。燈光欲去去不收。始知雨外有繁響。化爲寒雨鳴中流。一雨秋薄中難障。鼓音人語出兩頭。此時地天人一籟。悲哉隔雨不隔秋。

范漫翁畫山水歌

山水不言示以天。每聽詩家畫家傳。性習所至筆或後。筆亦時過性習先。點染何嘗不求似。似者有時不必然。迂作精神漫作形。虎頭半處卽其全。四十以後始盤礴。身世之外自起落。自許波瀾已老成。視之反似學人作。吾聞老子能嬰兒。恰是至人神化時。

詠畫蘭停筆

畫蘭先畫其勁質。意定須以膽行之。亦有深情如恐竟。欲開不開使人思。要知香色勾萌處。多在筆墨踟躕時。心手相商成意態。眼光鬢影立離離。間待朝來重補足。今朝同夢神先續。

觀周令滋米趙二石歌

有米元章趙千里。勒字茂之榻焉。同觀者周安期。安仁陶公亮。

山水千秋照冥莫。影結爲形成片石。高深墜倚各似之。寫其精神與膚澤。杖笠遍尋限時

地圖史臥遊終格格。此石縮之作其體。以待山水倦遊客。形色以外添清響。煙霜相夏寒泔泔。米趙好遊始寄此。爲與山水中無隔。拜手勒銘敢言玩。敬告來者幸無斃。君愛二石并其人。摩擊之間成莫逆。模榻自是登臨心。豈但鑑藏珍妙蹟。是時主客凡六人。已未仲冬十之夕。

贈錢丈

子瞻釀酒亦蓄藥。身無所與樂人樂。意廣雖無人我殊。主人本領亦覺疎。君負高懷術復奇。一身二長兼有之。使世不病復不醒。而我能飲又能醫。疾者在門客在席。憫悲歡喜顏常集。飲酒長教歌舞佐。施藥仍將衣食給。問君何利乃爲爾。自適其志遑他及。賢吏造請時一報。偃室澹然如未入。

詠古玉刻螭子得峯（并引）

六朝子夜讀曲歌。吾曰梧思曰絲憐。曰蓮蓋。當時委巷自有此口語。采入作詩。今繪刻器物。借聲雙關。爲吉祥善事之兆。如燕喜爵祿之類。事近不經。實始諸此。則其來亦久矣。萬曆己未臘月初三日。偶步吳門。購得古玉刻一小蛛。撲得一蜂。蛛大於豆。蜂小於葉。俯仰避就。奇有情理。冀股須目欲動。取喜子得封之意。適內人有以此月八日生者。舉此爲壽。作新體侑之。以代徵蘭之賜。

蓮卽憐。絲卽思。借字吾聞讀曲詞。吳市偶得漢遺佩。古人製器已先之。世云蚌者珠之母。今知玉以嬉爲兒。觀物舍義但取聲。爾公爾侯徵在茲。

沈雨若以朱白民竹卷贄予畫戲作此歌

顧源山水朱鷺竹。吾愛二公皆不肉。見筆墨身而說法。豈以一石一枝相逐逐。吁嗟顧公吾未見。去年曾識朱髯面。問他行徑曾不言。袖出朱墨竹一卷。子然一身萬里足。五嶽費糧惟筆硯。其時悔未助山資。此君交臂遂失之。歸覩顧公煙雨圖。未畫一竹竹可思。沈郎愛竹何其篤。買萬琅玕歸一束。墨氣到紙無後先。一雲所雨同時綠。應以如來藥草喻。而爲胸中之成竹。竹在朱君猶可致。已入君手安敢覬。忽取口口畫山水。知予好此特相與。予作官兼賣文。以畫博畫誠自媿。

五色蘭卷歌(有序)

萬曆己未十月初六夜。毗陵舟中。夢與內人吳孟子同種五色蘭。以爲男子之祥。許爲予圖之。以畫蘭施色不韻。珍重未成。天啓元年秋。忽作墨蘭。至八本。正側委垂。意態不一。持告予曰。向所謂五色。應是五種也。此八本中。豈不具五種相乎。予是其說。紀之以詩。蘭譜前無五色名。應是同時因想生。吉夢胡爲久未踐。遲回待爾墨花成。國香階秀是何

物肯以青黃輕點拂。忽然意到得數株。偃仰風月意各殊。從傍觀者試擇之。就中五色亦非無。吾聞五帝不盈五。恰逢劉季公然補。故將五種缺其一。有意待予閒與數。畫蘭人本解語花。吾將添作幽香主。



陸秀軒詩集



隱秀軒詩黃集

五言律一

懸軍

聞道邢司馬。懸軍駐島夷。聖人寬外懼。小國望王師。休戚關何事。恩威在此時。爾邦全仗漢。供億莫言疲。

贈熊生

家破猶存舌。身餘幾剝膚。解驂慚越石。彈雀慎隋珠。鴻口能因熱。烏今且集枯。少年多畏路。就宿好躊躇。

春日課僮編籬訖成句

事到山中減。春偏雨後濃。縛柴成虎落。澆竹汰龍鍾。新旭山山意。遙煙岸岸容。植援功不細。減米餉諸傭。

哭魏太易

降謫矜同籍。孤虛怨共辰。不然予笑子。豈合爾殲身。後事煩知己。高文揀替人。志成焚告女。商校夢中親。（太易與余同生。卒之年。余喪長男肆夏歲也。）

又

爾已先知我。文能取稱情。素交言墾痛。才鬼鑒分明。世所悲奇數。君翻就盛名。（太易罷諸生後。作六等吟二十章。人豔慕之。）墓辭心已許。鄭重敢寒盟。

又

卓識驅先入。新裁隘舊聞。如君甯得老。而我孰爲羣。心憊神辭去。才多鬼欲分。終當尊治

命。墓道署遺文。

（君自題墓曰明遺文魏長公碑）

三月三日雨中登雨花臺

去年當上巳。記集寇家亭。今昔分陰霽。悲歡異醉醒。可憐三月草。未了六朝青。花作殘春雨。春歸不肯停。

烏龍潭吳太學林亭

城午亭先晚。園春水欲秋。蜂狂花約束。鶯過柳遮留。雲氣能香石。湖陰半壓舟。良辰多下鑰。閒殺此林丘。

五月二日秦淮卽事

踊貴絲兼肉。爭先步與輪。半簾虧蔽面。一舫去來身。密葦驚翹袖。飛花到葛巾。含情相目處。橋外閣中人。

又

嵐減峯文細。潮生水步鬆。薄陰停障面。新暑試輕容。煙閣晴皆綺。山舩晚似縫。火城波上下。犀渚影重重。

早夏集米仲詔園

閏肯當三月。游能共幾人。盆山青欲暮。池草碧猶春。入戶翻成野。穿林似有津。歸來逢我友。半日慶閒身。

西山二首（同馬仲良湯夫執）

往往聞名勝。游踪到始知。茲焉隨覽涉。著處得幽奇。花鳥春難晚。林泉夏每遲。最憐纔出郭。曲曲見淪漪。

又

屢有看山約。臨時半去留。大都隨意往。翻得盡情遊。曲折無三里。層深已數丘。石苔非一

致潭水各能幽。

又

過橋微徑暝。稍不辨峰文。月散將殘雪。烟迎欲墮雲。洞巖窺氣候。水木悟聲聞。喧寂皆何往。空山方夜分。

喜林茂之至燕

白門還故山。無意入燕關。以我到難必。况君來更艱。偶然今夕話。是否別時顏。客計兼歸緒。于焉且暫刪。

又

相違曾幾月。心口欲于端。見爾遊能遠。知今病稍闌。喜開朋舊劄。兼悉母兄安。問答尋常事。翻同意外看。

集淨業寺水次再過十方菴看荷花因宿其中（韓求仲招）

如此匆匆際。禪棲肯再來。曾無三日隔。又見數花開。童負桃笙至。僧籠菜甲回。出門堦一宿。無復候人催。

又

每憶經行處。重遊勝昔游。往來能漸熟。耳目自多幽。水氣窮昏旦。林聲閱夏秋。晚花不無意。客散獨相留。

夜歸聯句

落月下山徑。草堂人未還。(林古度)砌蟲泣涼露。籬犬吠殘輝。(惺)霜靜戶逾皎。煙生墟更微。(古度)入秋知幾日。鄰杵數聲稀。(惺)

八月初二夜雨(示金銘茂之)

茲宵非月夕。卽雨亦何妨。但覺秋聲劇。能令游子傷。衣裳蟬背葉。書信鴈頭霜。共作長安客。東西各故鄉。

補七月二十七日生日詩

憶前初度日。含意不能題。入耳歡相勉。驚心感自悽。閨人怨弧矢。宦子倦輪蹄。媿殺陶居士。茲辰返故棲。(元楨歸田詩有陶公三十七結綬出都門句。元時亦三十七)

八月初六夜小集聯句

睡起理殘夢。(張慎言)須臾故國身。好秋難作客。(惺)新月易辭人。(慎言)露咽蛩聲斷。(韓上桂)天低鴈影親。(惺)空將無奈意。砧急任西鄰。(古度)

白衣菴水閣（同茂之金銘）

入燕欣見水。况復是城中。鴈帶他村日。蘋生別苑風。冥兼沙草碧。秋借渚花紅。肯待空譚月。移時已在東。

微雨

定欲重陽雨。方成此歲秋。雖疎終助冷。非久亦生愁。出戶纔能見。經枝似不留。少焉如昨夜。片月已牆頭。

送韓子孟郁孝廉還嶺南

送客歲將盡。別情能勿窮。題詩何所道。對語不堪終。嶺樹冬難雪。河橋晚易風。同來君最久。亦已返山中。

送茂之南歸

不謂還家決。題詩送子遲。言歸雖累日。賦別必臨期。明夜成今昨。他鄉屢合離。遙思初去後。當似未來時。

又

客程容易改。遲日意何如。無那親相待。兼之歲聿除。門尊須夜半。子舍及春初。欲寄南中

訊含情畏作書。

庚戌除夕

除歲他鄉夕。今年屈指三。關心存與沒。閱俗北兼南。燈火看相似。杯盤對不堪。自憐疎野骨。此日候朝參。

玉泉謁關祠

義勇歸何處。淒然向此中。始知真佛子。卽是大英雄。丘壑延神理。機鋒豁怨衷。厭聞懷古者。祠下說孤忠。

夷陵道中

會聞巴蜀道。至此稍稱夷。茲路險如此。前途難可知。巖巒當雨閉。水木到秋悲。况值懷諸感。州西扣策時。（時哭雷何思先生）

巴東道中示弟怪二一首

山中未必雨。雲起已生愁。峽窄天多暮。江高地易秋。連朝皆陟巘。茲路獨臨流。欲盡瞿唐勝。歸途定覓舟。

又

一帶高深處。明朝次第行。且從人指點。未必客心驚。此去皆山水。同遊况弟兄。爲誰忘遠道。所賴共幽情。

暫霽

重陽無不雨。况作蜀山行。已歷諸峯險。剛逢半日晴。峽寒偏著色。江晚自多聲。雖復終陰噎。心魂亦暫清。

月

蜀月清如此。誠宜數見難。尋常秋易沒。十六夜初看。岸迫銜江淺。山紆出峽殘。今宵同宿處。記取在雲安。

次色縣傅仲綸年丈招飲江樓賦贈

縱無樓可上。此地已高寒。夜爲今宵永。秋憐數日殘。淹留隨處有。簡易故人難。漸喜成都近。王程亦暫寬。

十五夜月

峽夜何曾月。巴東偶爾圓。向來經驛路。那似宿江天。霜落寒流外。煙生遠映邊。清宵亦何意。獨值未歸前。

哭雷何思先生十首并序

鍾子以先生卒之第三日入蜀。道夷陵。欲爲位哭焉。不能日不忍。至自蜀始書。千五百餘言以告先生所。可讀也。言之長也。仍復爲五言韻語十章。使讀者易終。聽者不倦。付其家嗣。仍語曰。鬼不必時至。家必時時誦之。或令侍子知書。嘗司筆研者。誦於所嘗遊息處。以逢其至。鍾子歸。亦且爲位祀先生。朝夕誦此招之。記曰。其神氣則無不之也。無不之也是以誦於家。以冀先生之一至焉。

人言師與友。吾直惜其人。世事有今日。我生何不辰。他時思柱石。後進失陶甄。豈意登堂約。翻成築室身。

又

于役亦王事。迂途意爲誰。茲來覺無謂。獨反欲安之。曠士友爲命。奇人世所司。感恩知己外。別自有吾私。

又

斯人天遽奪。似欲重羣疑。弟敢稱師美。人其謂我私。十年官幾日。半面友同悲。朝野思如此。平生品可知。

又

忽忽悠悠體。惓惓亟亟心。攢眉別有念。抱膝豈徒吟。局外觀之審。閒中得者深。感知忘自量。還欲效砭鍼。

又

必有真豪傑。斯無僞聖賢。（二句概括先生語）茲言猶在耳。自待豈徒然。膽識曾相證。機鋒果孰圓。會當須見定。密坐義重宣。（先生曾問予膽識二字孰先。予對曰：膽到處亦能生識。先生曰：恐當是識到處方能生膽。予曰：初無先後。但到處自能相生耳。先生思之良久首肯）

又

側聽平時語。恆稱趙大洲。及予窺述作。似不異源流。各負匡時氣。同懷出世謀。惜哉殊秀實。易地道相侔。

又

乘化忽焉去。遺書不一存。分香非所屑。易簣可無言。忍遽隔生死。時猶共笑喧。往還三月路。半信始招魂。

又

每於偶爾處。言下察其微。一往多寒色。將無近殺機。真人皆氣骨。道韻豈脂韋。理數尋常語。難參意外幾。

又

惺也燕中病。諄諄寄子聲。有書言後事。無字及私情。豈若盡忘語。尤爲真達生。聞茲應問我。來去孰分明。

又

早知八月至。猶得暫周旋。子獨靳三日。人皆黍百年。半生興盡矣。一悟數存焉。始悟長松下。微言不偶然。（庚戌六月先生坐報國松下。與二三子譚有爲之教。出世之旨。）

松滋泊風

舟經諸峽盡。水宿四旬終。葉落千村月。松滋一夜風。寒江從此闊。冬野自能空。憶昨頻經險。何如滯此中。

懷譚友夏時在金陵昨夜夢寄伊書談使事及詩兼徵其近作
寄書與對面。已自不相同。况以數行許。託之殘夢中。新文知各異。密意或能通。別緒兼遊蹟。諄諄語未終。

吳彥先自金陵過訪兼致諸友人書感賦

索居敢厭客。况有故人臨。檐鵲非無識。江魚果致音。清華衣履氣。淳古鼎彝心。各道經時事。關情自淺深。

新涼柬彥先

氣變中宵後。秋驚二日餘。新涼聊取適。殘暑不遑除。雲澹河逾淺。風輕木未疎。問君視前夕。旅况較何如。

又

秋亦非無暑。涼從此漸生。天清何必夜。林靜偶然聲。好雨能先月。輕寒不礙晴。共茲流火夕。誰動授衣情。

寄吳康虞

舊識南中半。公還自古人。意於林壑近。詩取性情真。譚子多幽鑑。稱君有遠神。友朋山水理。言下特津津。

寄胡昌昱元振

兩代傳山水。形神各自工。從來真有識。未肯苟爲同。惟不看家譜。方稱有父風。請觀君伯

仲丘壑寫胸中。

寒月同友夏叔靜作

清切山中月。依稀水際看。入霜惟覺澹。過雨自然寒。夕淨來無累。窗深到已殘。添衣須一出。此後對逾難。

佛燈

寒照星星內。能通靜者機。幽明歸一點。情理在餘輝。欲續何曾盡。將殘似有依。此中如悟得。膏火已皆非。

初陰

入冬晴夜夜。薄晦却從今。霜下暮寒半。鴉翻山氣深。惜哉不能雪。聊復暫爲陰。耳目一燈際。殘更人外音。

讀林茂之所藏陳白雲五言律七百首追贈

翁諱昂字雲仲莆田人避亂楚蜀窮死金陵口口誦其詩輒從傍哭。

落落含毫際。梵梵織履翁。一生窮老裏。五字險夷中。眇矣置心眼。淵然具化工。似聞君痛哭。屢讀不能終。

之燕留別茂之時孟和偕予往茂之南歸

南北路皆寒。之情非一端。同來有聚散。此別最悲歡。主反先賓去。君今送我難。叮寧弟與姪。看爾發江干。

又

別家兼別客。之北且之南。此後知何似。斯時已不堪。往歸情正等。辭送事相參。感爾分良友。征途共夜談。

新樂始雪

臘殘才有雪。此事北來稀。佩結原無漸。寒添幸亦微。土沾行欲動。塵嬾不能飛。明歲重過處。沿途二麥肥。

雪夜同孟和作

屈指王程盡。驚心歲事終。三冬無日別。一雪此宵同。食息思南土。衣裘試北風。朝行能霽否。片月晚寒中。

慶都早發望晴雪

親朋曾慮我。栗烈薊門行。豈意今朝雪。先從昨夜晴。半林初日上。幾樹白雲生。曉看征衣

色輕寒亦有情。

雪後保定飲同年夏正甫司理

往往經河北。奇寒早着人。嚴冬行數次。今歲似三春。雪罷能爲月。宵中欲向晨。因君風韻勝。池閣亦清真。

十七夜到京看月所寓因題其軒曰儻月

不見長安月。那知近二年。卜居惟問此。對影已欣然。光在更深後。圓當我到先。清寒真可儻。絕勝買隣錢。

題子孟和蘭石畫扇贈魏士爲年丈

片石何其介。叢蘭但有幽。自然能臭味。不復異堅柔。並立原無附。相憐不待求。同心誰證取。疎竹數枝秋。

喜吳伯霖至兼逢馮宗之

伊我南來楚。當君北到燕。幾二年不老。每一見相憐。理數俱無說。文章合有權。以何酬未足。奇事定須傳。

春日集韋氏郊園（同吳伯霖方孟旋張紹和李長蘅商孟和閻子將）

城中諸所見。到此已皆非。時至花難後。煙深柳肯稀。禽魚太無事。水石自爲機。遊興今方起。殘春未可歸。

又

閒時誠不易。抑亦在其人。地有何常主。花非無故春。琴尊皆勝友。山水况佳辰。物候參差好。重來想更新。

別子孟和從仲良之吳門

臨期寬一宿。猶勝即時行。不覺已明日。居然是遠程。稍能爲北計。豈至又南征。莫謂官貧好。今朝媿友生。

僦月軒後竹

僦月還兼竹。深知所取饒。月明無夜夜。竹好得朝朝。以爾爲朋友。何曾有寂囂。誰能風雨後。聲影共蕭蕭。

寄友夏書


人海歎離索。之情子信予。欲聞別來事。難盡即時書。手已非心口。言遍及起居。封題送使後。重憶不無疎。

又

作客居家趣。俱從朋友生。知君遠遊念。卽我欲歸情。玄嶽須相待。金陵莫便行。文章山水事。去住不宜輕。

代愛妾換馬

功名仗驥足。志節略娥眉。不貴此時意。難於無後思。疆場方有事。閨閣亦何爲。忍向時平日。明珠買侍兒。



隱秀軒詩集



隱秀軒詩黃集

五言律二

入舟同君姚佐

昔來冰未泮。今去露初殘。往反非前路。舟車共此寒。圖書閒處得。侶伴衆中難。一水秋冬色。同君累月看。

泊潞河九月二十四日逢立冬示君佐

水行亦云逸。野泊乃生愁。北土寒無樹。南人孤似舟。一身猶共子。九月已非秋。安得移茲日。前途佳處留。

舟曉

久泊非無曉。今朝如此天。鴉鳴半樹日。蟲齧一汀煙。物役疎星後。孤情寒水邊。客舟離故處。不遠亦欣然。

舟晚九月二十七夜

水天夜無色。所有者蒼蒼。細火沾林露。遙鐘過浦霜。離秋猶未遠。向晚只微涼。此外還堪着。清寒月一方。

欲泊

所見平平岸。舟移未覺非。汙萊何以別。井竈大都稀。是物皆冬氣。羣情似夕暉。今宵家尚遠。有夢不遑歸。

泊天津

流向南初豁。舟將晚始多。魚鹽商異路。涇渭水分波。(同流異色。清濁如畫)孔道行裝雜。虛名應接苛。北途車馬客。未信此洪河。

天津早發

蠕蠕羣動起。冉冉五更窮。去岸何由記。歸帆不約同。舟行星影下。人夢水聲中。計日從流上。朝朝仗順風。

舟雨

昨宵猶自霽。今雨似非宜。積晦來無候。高雲動未知。渚花昏岸岸。煙鳥白時時。頗訝添衣驟。舟寒水所爲。

雨泊二首

水程元有准。舟雨若爲增。去市猶三里。依村只一燈。屠沽崖戶少。豆麥野人矜。靜海容刀路。經旬到未能。

其二

旣雨兼之晚。孤帆莫適從。閉門煙際寺。篝火水邊春。稻蟹舟人夜。風濤客子冬。暫將鄉思放。動息亦從容。

舟雪

稍厭終宵雨。今辰雪反奇。晚寒聊一變。朝爽遂如斯。洲白沙相似。煙青鳥不知。千帆同此泊。片笠去何之。

舟月（十月初五夜）

每旬無不見。每見輒云新。耳目何曾異。形神但覺真。入舟如好友。在水更宜人。別我更初半。孤燈又一身。

靜海縣

此縣已名海。我行將近齊。兩旬三百里。八口一舟棲。積水天同側。晴冬野亦迷。前途正歲

暮霜雪莫淒淒。

見月得起句因而成篇

寒月照歡怨。清川流盛衰。衆形各自取。真宰亦何知。鍾應山摧後。渠成水到時。此中機殼幻。未易使人思。

晝泊

岸曲風難順。沙寒日易昏。樹無黃一葉。雲有白孤村。酒脯遠趨市。漁樵閒閉門。晴天有如此。雨雪不須論。

風止

如此風猶定。披衣驚所聞。霜村晴一半。煙水曉平分。天遠鴈無字。波閒鷗不羣。江湖陰霽事。行止屬紛紜。

滄州發夕

掛帆猶不息。天水去安窮。寒月歸鴉外。生煙閉戶中。孤情前路惑。羣力此時同。可補經旬泊。其功比快風。

暖（十月十一日）

今朝寒似止。昨夜月先明。風省千夫力。舟兼兩日程。地晴生物色。冬暖見人情。但覺同聲處。征帆一路輕。

德州戲題

地曰平原嶺。行愁十日淹。主人出有故。驛路進能兼。庖廩隨前例。魚蔬存小簾。雖云聊復爾。童僕不無沾。

夜

(十月十五夜舟已過德州泊柿林作)

天寒無不深。不獨夜沈沈。難道潮非水。何因風過林。戲拈生滅候。靜閱寂喧音。到眼沙邊月。幽人忽會心。

十月十六夜

離都三十日。行路未千餘。從此夜難永。如今冬匪初。韓婆風幸免。(是日風楚俗謂之韓婆風)楚客水能居。已是還家候。斯時止得書。

有所示

僅僅知文字。時時自晦沈。全身羣婢口。事主五湖心。筆扎師予便。箕裘託爾深。肅征安厥命。且莫怨裋衾。

深夜舟進

可以維舟處。舟人不宜安。今宵晴景好。數日上流難。寸進賢於已。羣心勇亦寬。月明無睡理。乘此盡情看。

月暖

霜天非不晴。晴亦自淒清。茲夕維舟罷。猶堪出戶行。水明如夜氣。月暖是冬情。似覺頻頻曉。關鷄凡屢鳴。

將之青州由東昌登陸呈馮羽明年丈

既水復之陸。多寒惟少暄。山川此生事。舟馬數年魂。清世王人簡。窮途地主尊。從君借風力。六轡始周爰。

經聊城魯連射書處

火牛難再出。岵虎已垂窮。危矣強弓末。微哉一矢中。城亡終去殺。將死亦成忠。所以爲排難。非他策士同。

金嶺驛與王帶如年丈夜談

久思今夜話。斯意想同然。屏騎子宜往。攜尊予宜先。見聞生一別。師友異三年。促膝驚心

事茫茫秉燭前。

沂水道中風

北野樹無枝。風過處不知。衣裳前日盡。舟楫異途疑。八口冰霜外。三冬水陸時。宿遷雖有約。未易遠如期。

沂州王右軍故宅今爲普照寺有洗硯池（其地無右軍書）

江左軍家巷。瑯琊復有廬。不聞天下士。定認此中居。舍宅翻留蹟。臨池未見書。古人少年筆。晚節自刪除。

彭城入舟後候淺二首（自十一月初七日至二十三日）

河水未生處。煙帆仍泊身。斷籬冬鬢築。方響夜蕤賓。計晚尤官吏。情危聽鬼神。巫言明日濟。聊欲慰吾人。

又

冰腹寒猶解。河身下反高。所爭惟尺水。厥利在千艘。委壑金錢易。篝燈舂鍤勞。舟航今日慮。未暇及風濤。

又

瓠子偏難決。桑田恐易成。道傍朝暮議。舟外喜憂情。有盡薪兼土。無靈壁與牲。運艘猶未過。官舶莫先行。

過淺（十一月二十三日）

寂然舟共水。中夜忽同聲。里鼓不遑報。岸燈無故生。半旬羣策屈。一間萬夫爭。前後終當濟。先人自物情。

舟泊雲龍山下

羣情仍一寂。舟與水俱甯。兩岸冬惟野。千帆夜共星。鍾聲收廣莫。人語警空冥。喜就佳山泊。重來放鶴亭。

彭城開船（二十五日）

泊久舟重發。翻如始入舟。後時偏過望。前路不遑憂。鴈喜人南去。鷗從我下流。低回獨何繫。未易別黃樓。

舟至呂梁洪（二十六日）

半月徐州住。今朝下此灘。初暘波一分。積氣野無端。人涉何其便。魚遊似不難。變遷川谷理。天險亦安瀾。

經下邳圯上受書處（有序）

未託素交。先呼孺子。以僕役而加國士。若子弟之應父兄。亦倨亦親。非真非戲。蓋語盡於投書之後者淺。意藏於受履之先者深。行徑頓殊。機鋒相逗。業已道存於目擊。豈惟氣折而心開。乃云強忍相從。初尙愕然欲歐。夫乃以市中年少之腹。而窺圯上英雄之心乎。淺哉太史之言。未免文人之見。經途感事。懷人賦詩。用抒斯衷。兼訂昔惑云爾。

警蹕秦皇帝。溪橋老禿翁。奮椎羣力外。進履衆人中。智勇皆何往。天人有所通。英雄關運數。授受不相同。

射陽湖

情深流數日。俱是射陽湖。潮響亂如一。漁燈遠不無。寒逾知水月。天漸入菰蘆。此去邳溝後。東南舊日途。

入江（十二月初九日）

所歷皆河海。今朝乃見江。天淵同積氣。風日變寒瀧。魚影真堪數。鷗羣不易雙。三山雖伯仲。意總未相降。（金焦北固）

登金山同君佐

兩度遊皆略。猶賢於未看。見聞江四面。行坐石更端。薄晚風烟亂。深冬水府寒。妙高臺上月。共待亦非難。

郭景純墓（存金山江中）

奇人萬古宅。不肯不峻嶒。以此江中月。爲君地下燈。山川因爪髮。神鬼守緘滕。危石憑何力。飛流未敢崩。

北固夜歸

遊遲畏晚天。晚際反凄妍。好月下山路。順風歸浦船。雲濤孤棹外。市場半燈邊。回首蒼蒼處。金焦在亂煙。

至金陵過林茂之宅

畜意在相見。既來無所爲。風波登岸處。雨雪到門時。地自一茅宇。門多數柳枝。細觀此情事。昔別若先知。（壬子茂之別予楚中有明歲重銜命江南儻路中之句）

雪集茂之館（同胡彭舉吳康虞王相如黃九洛）

白門三度雪。皆以待幽人。閒理閉門事。堪遲見客身。澹然相語默。別自有宵晨。竹石殘冬裏。清寒見遠神。

過胡彭舉

五載未曾到。庭中如昔閒。所添惟一石。何異在深山。懷值秋冬際。人來冰雪間。自然費幽意。永夜不能還。

立春日同商孟和弟居易集子丘茂之宅（十二月二十七日）

良辰復佳晤。皆值此寒天。雪與冬終始。春居雨後先。新詩茶酒內。密意燭燈前。共待梅花霽。歸舟又隔年。

除夕守歲子丘茂之宅時子丘與孟和居易至自吳門

好住雖君宅。終爲客子身。所欣來遠道。各自有周親。盡室廡邊夕。明年江上人。秣陵才到曉。便已歷冬春。

元日集雞鳴寺塔下亭

發春雖一日。萬象不能扁。汨汨風煙動。冥冥草樹靈。餘寒一以素。欲霽自然青。百步城中地。湖山積此亭。

攝山道中（甲寅正月二日同吳康虞商孟和林茂之）

出郭心誠暇。俄焉應接分。湖山春格韻。草木畫情文。半壁深留雪。千林遠共雲。齋鐘不知

處。隨意示聲聞。

白鹿泉

半嶺尋源上。寒泉閉戶中。餘飛難作雨。輕吹不關風。梅影過橋立。苔文與石同。早春流尚細。澗脈未能通。

疊浪巖尋繖山和尚不值遂登山頂

山僧下山去。終亦不離山。客到縣巖半。身如亂水間。輕裾雲氣共。孤杖澗聲還。歸路君當在。愁君閉竹關。

天開巖

初不容思議。中天忽削成。寒松通石魄。幽竹覆泉聲。蘿蘚多無緒。冰霜別有情。高深巖洞理。潛玩長靈明。

攝山頂

卽論茲山絕。登茲者亦稀。定須尋磴遍。宜不見江歸。遠色何由正。羣形妙在微。下看巖塔處。來路似皆非。

贈凡公（公年五十六出家未三年）

猶是新披剃。頭顱已颯然。悲歡興願日。五十拜師年。地若曾來後。機縣未到先。遊棲關志氣。相待不無緣。

贈蒼麓老僧

逢君亦不遲。已是再來期。猿鶴曾無怪。巾裾有所疑。人天中國老。鬚髮外真師。好記今年夕。空山初月時。

攝山歸過靈谷

歸途卽靈谷。同日往非難。客在梅前到。春當雪後看。澗迴流水濶。野淨夕陽寬。物色晴爭起。深松不肯寒。

舟發金陵留別諸友

四年中北邸。一月內長干。再見如初至。新知及故歡。無能頻几席。未免爲衣冠。又問春江楫。垂楊不可看。

須濡口阻茂之別二首

題詩似別我。我且未之看。莫道同行樂。卽今相送殘。家無好山水。友有夙交歡。以爾閉門日。往還殊不難。

又

舉家開欲去。數日不能言。知我獨還里。無君難杜門。豈茲僅存骨。尙有可銷魂。暫省斯時別。形神且勿煩。

賦得不貪夜識金銀氣

少陵此語。蓋聞道之言。讀者以爲不可解。解則失之。而實有至理。語固有不必要。而。至理存者。此類是也。知此乃可與言詩。予旣賦此以通其意。并示友夏及弟叔靜同作焉。

奇光深夜中。志氣若爲通。不覺川原祕。森然星月同。居心無欲惡。觸物自清空。山鬼窺幽獨。欽茲靜者衷。

途中新月

馬上路殘處。山中月出初。方將行未至。豈可照無餘。光作長宵始。消惟新水如。家居人不覺。寒火半扉虛。

紅葉

蕭蕭猶未落。在樹幸能紅。薄暮初霜進。近山寒燒同。光輝翻寓殺。幽豔屬成功。秋色兼春

事。含情并此中。

夜觀蒙惠二泉

水從天一生。到地二泉并。深夜積秋氣。初寒流月明。幽靈如不隔。聲影敢相輕。燈燭散空迴。中含風雨聲。

羣山萬壑赴荆門

茲爲楚蜀門。喉舌古今存。陵谷於焉始。高低相向奔。衆靈難自住。三峽爾何尊。也學江流下。滔滔歸一源。

贈劉玄度孝廉爲雷太史同年好友

精神堪警俗。耳目不知喧。就此機鋒裏。窺君靜慧根。敏皆從好學。中豈厭多言。益見交非泛。吾師卓識存。

磁州雨

長路惟愁此。暑行殊不然。濕光崖草動。涼信笥衣傳。蟲亂水烟上。蛙喧風雨先。北方農候晚。物土幸無愆。

選蔡敬夫詩訖寄示三律

君庸不自知。必待我商之。要以古人眼。深看今日詩。直期於見道。汗豈至阿私。亦自關吾識。安容苟爾爲。

又

自處不能恕。於君敢二焉。卽今予所念。猶使世堪傳。甲乙何關係。春秋頗責賢。細觀新舊作。損益有由然。

又

去取了無忌。惟君知我誠。匪徒文字理。要自友朋情。藏亦何妨出。多當不易精。留茲嚴冷意。事事與相成。

丙辰初春寄張金銘

椒盤壬子歲。寒燠四回新。別後無除夕。筵中少此人。雪霜頻犯暖。梅柳不知春。負爾非他事。緇衣京洛塵。

又

自君今不至。予罷水邊行。花月何顏色。禽魚寡性情。乘閑猶有日。選勝頗無名。軟草垂楊路。重來恐漸生。

十二月十九日雪是立春次日

臘去人思暖。如茲亦快哉。寒爲春事始。雪作歲光來。累日無遺憾。空齋行幾回。不知花五
六。一月內誰裁。

又

又雪敢言寒。今年有此難。何知天意在。要取物情安。野潤全非濕。煙新只似殘。若無沿路
餓。也好出門看。

秋夜與茂之閒坐

同君閣搖落。今又在燕山。月與秋俱淺。雲當晚亦閒。蟲鳴惡可已。鶴警復何關。已是聽觀
外。猶然庭戶間。

贈陳荆生

吾子自稱詩人。皆曰畫師。此中深有寄。其意莫能知。筆墨非徒爾。親朋由所之。古來負絕
技。隱德類如斯。

泊（九月一日）

動止姑從衆。安危未敢言。居人歸有處。旅泊近何門。寒日能紅樹。淒風欲白村。野稀舟幸

接擊析共相存。

風阻蔡村念吳康虞候於前路（九月四日）

致子久於待。因子先有期。陰晴非在我。川陸不相知。未覩舟同阻。應嗔到獨遲。若過重九後。更是月明時。

汨流河驛

葉減秋無幾。流深舟不難。沙星疎欲活。霜火濕爭殘。天水羣情定。禽魚積氣安。病身多閉戶。慙負此光寒。

九月十一日喜康虞入舟

雖有事前約。堪同意外逢。友朋相聚會。舟楫最從容。途既經齊甸。遊當了岱宗。生年來幾度。如此一秋冬。

自仙人橋觀於舍身崖

不獨高深理。河山之所盤。爾時諸嶺末。如在二流端。日月來當早。煙霜上亦難。片光誰蓄泄。元氣此中看。

岱歸後示泰安州守候君

岱宗固常在。主者待其人。覩爾神情異。證予聞見真。歸堪言所獲。傳不患無因。一片古今意。相煩致嶽神。

十一月初二日雨

冬連秋只霽。霜力不能寒。一晦非無謂。新霑反似殘。河聲胡損益。雪事轉艱難。且愛蒼蒼外。煙林相與寬。

十一月晦夜初雪過潘稚恭江閣

入江初見雪。近臘乃知寒。以我爲情久。過君及夜闌。光才依水白。力不待風殘。值此夕之晦。聊同片月看。

隱秀軒詩集



隱秀軒詩黃集

五言律三

正月初二日大雪同王永啓林茂之集雨花臺（是歲元日立春）

雪既負花名。非時諒不榮。恰逢春次日。用紀歲王正。期過偏能暢。光深如欲晴。誤驚梅放遍。先往近郊行。

靈谷寺看梅（正月二十八日同王永啓林茂之）

好春無一日。花事有難言。至此始成朵。從前宜閉門。雪霜非在地。香色欲爲村。不盡關新霽。精神寒亦存。

看梅送何玉長入楚

今年梅後期。君去及花時。鄉信正煩寄。行舟莫又遲。春風柔有待。江水駛相宜。計聽樓邊笛。還當存幾枝。

長生館詩（有引）

佛家戒殺。厥念惟悲。儒者好生。其原在樂。然不引之樂處。於以預達其生機。卽徒發乎悲心。何能逆折其殺趣。長生館者。湖惟玄武山。則蔣陵焦漪園先生倡。衆置館於其中焉。每於月之八日。與客遊棲。聽僧禮誦。漁獵何曾厲禁。不過寄意於湖山。天淵共觸慈心。業已移情於魚鳥。聞荷香而斷罟。蔭樹影以投弓。事不相蒙。緣有交湊。惺幸與茲會。喜而爲詩。

湖山於此積。魚鳥欲成圍。是物皆生趣。何人無善機。來惟言眺詠。久乃共歸依。頗悟因緣事。其中導引微。

十月十三夜步月（同胡彭舉許無念林子丘茂之）

別自爲清夜。非惟晴使然。與秋同一靜。未望欲先圓。積氣歸孤月。深光作遠天。此時無不息。閒者反遲眠。

十月二十日往花山雨宿途中（同吳康虞林茂之）

有約愧頻止。猶賢竟不行。冬方云久霽。月許到深更。風雨臨時事。江山一歲情。從來遊者理。貴勿預期程。

又

屢失清和日。因言雨亦佳。良辰猶可待。靜侶最難偕。有此秋冬感。彌深遊止懷。安知山澤候。妙不在陰霾。

寓白門寄朱叔熙比部

此地去君近。彌令消息難。始知思往日。却悔別長安。輿步情辭接。圖書職務寬。天涯良友聚。未免藉爲官。

夜過胡彭舉

良夜卽相過。况今將盡年。冬晴非可必。月好莫徒然。杖履人眠後。琴尊客到先。看君安性命。一石嬾如前。

范漫翁復自東郊移至城居故處

殘客誠爲累。離羣亦寡歡。寂喧無可出。去住已更端。豈必謀皆是。姑從意所安。琴書能戀主。不道屢遷難。

又

總不離郊郭。回環得故棲。隣皆無故井。樹未暇成蹊。晝夜私良友。齋常聽逸妻。存茲人外意。動定理應齊。

臘月二十二日伯倫招集木末亭

是時能共到。可不謂閒人。候雪翻愁霽。探梅似貴春。煙高江欲動。風遠樹初勻。遊事年周始。亭臺識此身。

除夕喜雪

雪期爭一夕。要以臘爲功。幸不過春後。非專報歲終。新茶泉脈至。宿麥土膏通。無限天人事。災祥在此中。

元日雪過康虞彭舉茂之不值

誰不憐新雪。能無各往看。以予到門早。知爾在家難。天地何其近。風煙但一寬。晤時矜所得。肯道向來寒。

雨後靈谷看梅花（同康虞漫翁子丘茂之袁公寥在二月初八日）

花時同所惜。各有看花情。念我三年客。於茲兩度行。孤心多在雨。衆意但言晴。水雪或香國。知從何樹生。

又

日爲梅花至。松陰先看山。此懷難以喻。其事自相關。共在香光內。分行澗壑間。却思人散

後寒月守潺湲。

二月二十四日雪後沈宗伯招集高座寺（同許伯倫胡仲修）

一雪送寒梅。梅殘無可摧。似將花五出。移向樹重開。風物均調事。江山眺詠才。新晴春欲始。日日好亭臺。

夏梅（和董崇相）

花葉不相見。代爲終歲榮。誰能將素質。還以敵朱明。坐臥已無暑。色香如尙清。始知幽豔物。不獨雪霜情。

秋海棠

牆壁固吾分。煙霜亦是恩。光輕偏到蒂。命薄幸餘根。笑泣誰能喻。榮衰不敢論。年年秋色下。幽獨自相存。

喜鄒彥吉先生至白門。惺以八月十五夜口。同李本寧先生及

諸詞人集俞園（并序）

以此清秋。於焉嘉客。白露蒼葭。新染芰荷衣上。歌童舞豎。半攜書畫船中。愧時一相思。惟小子之戒行太晚。雖禮無往教。在先生之乘興何妨。以賓主而易師生。懷斯盡矣。由

合離而成壯老。感亦因之。睠焉興念。勉爾爲歡。里寡新聲入耳。就絳紗名部之音。地無勝迹。娛心發金谷故園之想。積數十年之緒。以永今宵。合幾千里之人。而同明月。如茲三五。豈作尋常履簪雜選。高人自領孤情。絲肉喧闐。靜者能通妙理。各稱詩以言志。用體物而書時。

講席兼陳樂。年年此願慳。自攜供帳遠。暫寄客亭閒。月靜星辰內。秋深烟水間。從公無小大。皆不自言還。

又

中秋時地有。今夕主賓稀。歌舞原非借。林亭只似歸。浮涼池鳥醉。空影砌蟲依。頗悟歡場裏。高人有靜機。

又

夜與水相得。秋惟月最親。留歌清絕地。祭酒老成人。道廣周旋恕。情深領察真。典刑欽在坐。游謹荷陶甄。

送商孟和秋試後歸閩

數千里就試。却向榜前歸。率爾爲來去。看君無是非。江花揖酒近。隄柳泊舟稀。不敢便言

別回帆紅葉飛。

杪秋宿牛首次日歷祖堂獻花巖

閒隨新霽出。風日到牛頭。松作山中夜。月留泉上秋。心魂凡屢止。人我幸同幽。引客栖尋
熟。予今是後遊。

又

山光領其一。又復及他岑。回見雲煙變。彌增丘壑深。昨宵有明月。必照此疎林。一片融公
石。弘慈古佛心。

早冬遊攝山

每來生節物。又值早冬時。澗石峯巒具。岩花冰雪爲。空林行有得。靜夜坐方知。一宿聽晴
雨。皆於遊事宜。

又

地非難一往。客未易同遊。每以須良友。因之失好秋。山寒晴不重。林氣月彌幽。慙負歸常
早。頻來當久留。

臘月十五葛震父要集齊王孫山居（同郭聖僕林子丘茂之）

頗怪知幽徑。今年到已三。竹寒猶可借。梅早不須探。雪月時皆是。冬春情未堪。半窗人事後。燈火照深談。

春事

春事盡於雨。遊期多在天。馨香能幾日。花柳已今年。塵務况居半。勝情甯得全。我生將五十。所感有由然。

仲春程仲秩要汎赤石磯（同王永啓王太古彥倫林子丘茂之）

城中今可汎。君愛出城閒。春物沿洄外。煙光動止間。逢花頻步岸。返棹亦看山。共計陰晴日。各憐遊事艱。

雨中柬茂之病

不出畏佳日。却云風雨宜。君雖口藥物。衆亦負花時。臥只如高士。愁偏及靜思。留春應有待。清霽故遲遲。

問茂之病

君病年年事。尋常漸不憂。神明安可恃。朋友代相謀。藥價貧偏貴。花時好未酬。因思南郭外。不易是同遊。

又代秦淮五日賦得投詩贈汨羅

是君臨命日。不敢賦牢愁。緩舞迎神保。新聲託塞脩。淮流何澹澹。湘水共悠悠。似見來酬答。風生杜若洲。

在白門喜譚友夏至相見有詩感答其意

勿曰生同地。相離卽異鄉。六年人倏忽。千里意尋常。述作交爲慰。聲華不敢當。清淮明月下。暇豫荷恩光。

出通濟門訪郭聖僕與友夏同往

不告君幽處。到來心始遐。未離城以外。相導水之涯。僕妾說人侶。敦彝貧士家。清齋微識却。坐久進茶瓜。

過王永啓小閣同友夏時永啓病後

亦自登斯閣。今朝懷共開。鶯花當病起。風日有朋來。如入城中舫。兼臨江上臺。佳情原未廢。戶內可徘徊。

和友夏拜客觸暑就茂之舍休焉忽伯敬亦至之作

君能嘲熱客。自出果何心。難免逢迎事。彌慙剝啄吟。望廬圖一憩。解屨見同尋。况得主人

靜閒言生夕陰。

月夜王太古要泛秦淮同友夏

盛饌煩高士幽懷就好天。舟移山色內燈起浦歌先。月冷因三夏河深在衆煙。各無言路晚賓主一橋邊。

送五弟快還楚迎家尊赴吳中教職

數往慙吾弟微官累老親。公私言浩蕩俯仰事酸辛。壯齒輕諸役全家就一貧。孤舟兼孝友勉矣服勞人。

歸舟月上

欲雨偏生月。熊熊日出初。秋移三夏裏涼借一光餘。待爾歸常晚。驚人見似疎。捨舟情事始。竟夕有盈虛。

送王永啓歸省兼示董崇相

已俱忘是客先別我還聞。直倘能存道貧今可見親。非無逢世術難作負心人。有友知君孝全歸不失身。

沈雨若自常熟過訪九月七日要集敝止有虞山看紅葉之約

（時喜得錢受之書）

見君疑舊識。不必故人書。所念久離別。欣聞近起居。朋來鴻鴈後。雨止菊花初。得問虞山樹。寒紅三月如。

至毗陵訪鄒臣虎年丈

此行雖定省。過訪約先時。門徑欽孤性。圖書寄獨知。親能安善養。友不至阿私。抗疏言方中。彌深感事悲。

贈鄒太公臣虎尊人

以子識其父。於翁殊不然。在家羞教調。去國幸歸全。一命心忘却。三牲世有焉。未知忠孝事。論定果誰賢。

譚友夏自越歸晤別於錫山

衣邊秋未去。霜氣自湖陰。凡子吟能及。皆予夢所尋。分風來往路。計日衆離心。各指梁溪水。寒煙共一深。

訪王德操居士會晤於鄒彥吉先生莊居

以爾知音者。猶存人外踪。溪聲當薄暮。門徑似深冬。雙檜自今識。孤舟非乍逢。讓鄉前夜

語有約許相從。

汎吳興碧浪湖夾山草蕩漾（韓求傳具舟同林茂之夏長卿諸子賦）

衆妙從流去層巒著處生。入天湖有漸浮地漾何輕。蘆渚如秋夜桑村在晚晴。一舟空曲後寒火落分明。

又

湖山深更深導引主人心。以爾能無倦同予得再尋。煙寬鷗失侶天靜鴈留音。往返虛靈內形神有所欽。

又

林巒同作水風日不離煙。清照難留物寒遊頗用天。飛潛終日竟心目一隅全。返棹憐閒石冰霜影默然。

舟泊吳江步尋周安期安仁

停舟非夙約信步卽君家。沿岸攜初月登庭及暮鴉。燭燈如有待流茗自無加。也說明朝去晨星在戶斜。

婁東訪尹惺麓先生

進退稱維谷。人皆恠一官。機緣無此妙。遊訪得相寬。建業天初霽。婁江月未寒。三冬來往路。風日最爲難。

又

卽論金陵別。于今歲又除。苦無多聚散。銷得幾居諸。約在歸衙後。來當退食初。一燈師友話。壯老十年餘。

又

無友無家者。因官寄白門。時情多可慮。客意自難言。文武公爲憲。安危國有藩。放情圖史外。樂事拜餘恩。

弇園憶贈王元美先生四首

道廣無邊幅。爲園亦復然。一鄉千里近。萬卷百城專。稍冷簪裾地。彌高木石年。徘徊尋履迹。緩步惜寒煙。

又

天生人與地。用貴稱其宜。文獻非俱乏。刪修或可爲。有詩滋異議。無史答明時。賴此千秋後。猶存未竟思。

又

文章姑無論。交道達神明。至性能風世。餘因不愧名。死生千里路。七十兩番行。竹徑留遺跡。堪思命駕情。(吳明卿兩過此園)

又

承響誠無怪。皈心亦有因。吾聞公長者。衆謂世文人。大度推揚急。虛懷吐握真。茲園如散處。四海少孤貧。

贈徐元晦

雖復未相見。十年知有君。端居偏致客。任俠况能文。難與今人道。嘗聞我友云。昨逢賢訪使。首問爾殷殷。

又題畫蘭

日日弄香色。靈明爪指生。近來添竹石。益以助幽貞。熟後翻新譜。閒中換妙情。讀書諸務輟。筆墨亦輸卿。

贈程彥之

歲歲君如此。相憐何日休。置身時地少。失職友朋羞。窮豈皆詩罪。饑仍爲醉謀。贈錢聊儉

用前路不堪遊。

過文文起孝廉藥圃賦贈（君與啓美爲徵仲先生曾孫）

賢者後如此。何如親炙情。况非資祖德。自不愧時名。一語足文獻。二園難弟兄。扁舟吳越路。似復爲君生。

虎丘贈別徐元歎

出城不言送。猶只作閒行。寒月虎丘路。孤燈明夜情。真文關世運。幽賞略時名。吾子尙良食。前途勿自輕。

毘陵雪夜別茂之還金陵

出在三秋末。歸當再雪餘。一寒分去住。明日念舟車。此別時無幾。相逢歲又初。中途情事異。聯步有離居。

隱秀軒詩集



隱秀軒詩黃集

五言律四

毘陵家慶畢還白門道中作（正月五日）

秣陵雖久住。吾土是邪非。新歲此初出。征途亦日歸。有親仍告別。留弟與相依。節物家家鼓。郊原人事稀。

瓶中梅影映壁上畫梅影（和葛震甫作）

一花分合處。形與影邪神。雪月來誰識。香光借亦親。暫依俱幻相。別立是真身。此際難爲喻。羅浮夢裏人。

上巳過牛首山莊看雲池王翁桃花翁先約往四年中凡三至此矣

今日是修楔。山中尋爾家。何嘗不臨水。况又得看花。積雨晴朝貴。新煙春事加。（次日清明）
笑他武陵棹。再往失津涯。

又

高年重光景。隔日約遊人。（翁時年八十有八）歲作桃花主。天留竹柏身。紅多成世界。香久結精神。好待山生月。同時照暮春。

月夜過胡彭舉

一春多雨夜。見月好懷生。未及先相約。遙知亦此情。素心朝夕近。僻徑往來清。恰值君無事。開扉如出迎。

月下新桐喜徐元歎至（四月十五夜）

是物多妨月。桐陰殊不然。長如晨露引。不隔晚涼天。綠滿清虛內。光生幽獨邊。懷新君亦爾。到在夕陽先。

白門病中送親還毘陵

客子病猶爾。老親還豈安。祇堪添一別。却似未來看。有手不能執。於心難更酸。我生非小可。天命足相寬。

又

去住不由已。難時骨肉牽。一官天性隔。萬慮旅書連。遇難思先德。防身悟宿愆。何時筋力

健歸養學耕田。

病間贈錢振河

雖復情相係。呼君君豈知。無心身到日。有幸我生時。榮衛因人付。恆奇不自爲。敢云輕性命。小愈忽良規。

感歸詩十首

微官今日至。萬病一朝來。罪福誰司計。乘除已致災。性情良自審。命相久相猜。不死多時地。行藏聽所裁。

又

弱骨當繇疾。安危不自知。客中憂老父。意外賜名醫。得步庭階日。堪成止足時。如茲猶過望。幽譴或相隨。

又

居官頻道去。此語未爲新。事小皆由我。情真豈告人。暗中營退步。久後信閒身。猶以貧而仕。無辭對老親。

又

五載白門客。歸心漸不生。江山皆識面。童婢亦知名。住久愆難免。交深怨或輕。故鄉雖朴略。事少稱孤情。

又

才入儀曹署。於中處處違。因之生一悟。過此可成歸。羅雀心方息。熬魚累始稀。世人添感慨。翻似悔忘機。

又

踈僻居鄉井。招尤亦有時。不因官自護。終免世相持。催謫豈無已。親朋皆我知。遠交多復久。恩怨暗中移。

又

曾作終年想。圖爲遍地遊。豈徒新識樂。欲寡久居尤。此自快心語。而非着脚謀。頻來惟一弟。破浪亦堪憂。(五弟又來看)

又

窮覓歸依路。愁予但口談。(徐元歎書來云云)得生輕寵辱。用死勝嗔貪。悟晚終無退。心堅在一慙。鈍根磨正厚。愛我者相參。

又

謬云名與實。官不益微躬。三月一眠後。諸緣皆夢中。除醫無切用。學道有宗風。捨宅聞吾友。歸慙尙築宮。（元歎近事）

又

文人而學佛。愚哲或相兼。自有孤軍入。非將結習霑。寒暄須飲水。夷險在臨巖。何夜寒河月。金針面語拈。（譚友夏作書謂予以聰明妨禪語多影響）

春日過沈雨若問病并訪唐宜之

人事亦云遠。春光非不知。孤懷如有告。一病豈能爲。梅又待明歲。柳方垂此時。柔條莫遽長。吾意愛絲絲。

又

病非難習靜。何以着身心。幸有友相警。况爲予所欽。讀書賴花鳥。閉戶富登臨。已愧見時少。幽居莫更深。

夏日遊攝山同王惟士徐元歎胡元振

徂夏成茲往。入春同此心。鶯花相待滿。林壑至今深。宿處逢山雨。歸時記澗音。連朝陰霽

裏有意便栖尋。

題畫送沈朗癯入廬山兼寄憨公

猶未除鬚髮。先能斷肉妻。晨星驚老宿。秋色引遐棲。瀑過層層樹。橋藏曲曲溪。杳然雲樹裏。奔悅漫成迷。

又

泉石冥遊跡。幽明默護身。出家超將相。度世答君親。水觀神三界。山行影一人。遠公迎汝處。寒月石門新。

隱秀軒詩字集

七言律一

送人遊匡廬九華

晚遊匡岳亦非遲。囊有真形畫有詩。(君善詩畫)置我一丘差不惡。憐君三絕獨無癡。心諳勝蹟如曾到。山喜清人似故知。叩罷彭郎逢九子。寄言余欲往從之。

丹陽夜泊時將過訪張楊二一丈

城裏溪橋曲曲源。依稀桃葉渡邊村。一汀雲影流虛響。半岸蘆花覆夢魂。江月林風隨去住。蛙聲鳥語自寒溫。故人儻作臨卽宰。旅况鄉愁與暫論。

江行俳體(并序)

友人譚友夏作竹枝詞近百首。余曾賞之。皆舟行詩也。其體則七言絕。其所採民謠土風。自江陵至吾邑。上下二三百里耳。乃遂能至百首。矧余舟發鄂渚。迄於金陵。歷吳門。荆吳俗遷。冬春序改。縱其目覽口傳。足涉手書。所得甯當止百首哉。於是難其事。廣以七

言限以四韻。拘以俳比聲偶。要使體諱而響切。事雜而詞整。氣詼而法嚴。令才有不必盡。而意有不得逞。亦蟻封盤馬意也。范蔚宗有言。吾於音樂恨不精雅。聲至於一絕處。亦復何異。此難爲拘儒俗子道也。夫今之樂。猶古之樂。千古聲詩祕諦。子輿氏一語拈破。妙達此解。可度脫千萬劫。詩文苦趣。偶因一端而併及之。

五載前曾說此遊。問程結伴幾春秋。艱難水陸千餘里。大小關梁六易舟。畏路刺船頻裸體。乘流開柁緩梳頭。順風一日行三日。莫待依灘怨石尤。

又

虛船也復戒偷關。枉殺西風盡日灣。舟臥夢歸醒見水。江行怨泊快看山。弘羊半自儒生出。餒虎空傳稅使還。近道計臣心轉細。官錢曾未漏漁蠻。

又

巴舫吳榜簇江干。市僧邨娼半倚灘。繫籍慣拆鄉閥閱。投單例辦敝衣冠。女兒編竹成長纜。乞子施竿覓剩盤。小釜羣炊如候代。奚奴亭午未朝餐。

又

江鄉漲後指荒郊。木杪魚罾俯雀巢。處處葑田催種麥。家家竹瓦代誅茅。岸容霜老菰蒲

秀水氣晴黏草樹交。快舫蝕波纔寸許。急湍底復怨舟膠。

又

日日移家處處隣。吳頭楚尾半波臣。罟師嚼米餐烏鬼。舟僕偷錢買白鱗。鴉食肉能謀底事。獺銜魚欲祭何神。黃頭見我詢潮步。笑是潯陽始過人。

又

羞從狐鼠敍行踪。隨例輸錢買印封。半月員程過一月。杪冬孤艇發初冬。持符官卒尊於吏。附舶儒生賤似傭。估客孝廉陽不問。胡牀指顧太從容。

又

邨烟城樹遠依依。解指青溪與翠微。風送白魚爭入市。江過黃鵠漸多磯。家從久念方驚別。地喜初來也似歸。近日江南新澇後。稻蝦難比往年肥。

又

小聚星晨屢斷連。山椒一縷露人烟。土音偏不移雞犬。市暨通行雜鈔錢。澤國火耕兼水耨。霜林棗地接楓天。時艱夜禁明書楔。撥刺更更響釣船。

又

土風何異竟陵城。水代平田網代耕。放去鷺鳧偏認主。教成馴獺聽呼名。狂書鳥過沙留譜。囁語烏眠夜作聲。奴子入吳學細唾。農音僮舌字全生。

又

千門市火亂漁燈。銜尾官艘也繫罾。崖屋乍隨春漲徙。灘舟專候早潮升。清時閭左衣形緩。儉歲江東米價增。從客諱言新入洛。自稱前度到金陵。

又

潮褪金焦岸稍巉。斷虹嵌壁劍雙槭。嵐堆積翠深藏壑。雨隔殘紅半露巖。近海蜃晴朝列市。乘風魚背晝張帆。新荷香遍吳江水。思製瀟湘隱士衫。

又

鳴榔打鼓暮乘潮。借得官舟勝客船。奴子暫時聊意氣。朋從此日也逍遙。公然鷓首橫銀榜。無數漁罾避畫橈。睡醒却詢瓜步岸。長年前指廣陵橋。

碧雲寺早起

人語翠微閒啓門。離離殘露濕初暾。行經絕澗數花落。坐見半山孤鳥翻。月去寒潭林影換。雲依閒砌草頭溫。與君莫厭頻移榻。晨爽秋陰非一村。

夜坐（與茂之同用起句）

愁裏不知秋淺深。高城幾處密清砧。悲愉未敢開鄉信。榮落徒能感客心。永夜鐘聲非遠寺。空天霜氣况衰林。砌蛩籬竹皆情性。咽露搖風各自吟。

辛亥元日早朝

火城漸簇大明宮。隨例嵩呼歲歲同。殘雪在簾如落月。輕烟半樹信柔風。金支縹緲春陰外。碧落參差夜氣中。却憶庚寅元日事。廿年天語不曾通。

白沙驛

鳥墮猿迴半楚關。却云蜀道古來艱。高原頽盡仍逢水。絕壁攀窮始見山。天缺似多青嶂累。巖空長待白雲還。盤旋恐亦無過此。不信前途更九灣。

合江舟中早發

日疊寒流次第明。開窗剛見半江晴。迎舟亂渚如還往。隔水羣峯互避爭。不覺鳴榔先午夜。怪無擊柝續殘更。披衣驚失舟棲處。百五飛湍夢裏行。

忠州霧泊

漁艇官舟曉泊同。蜀江愁霧不愁風。烟生野聚汀寒外。雲滿山城水氣中。曲岸川迴翻似

盡遙天峯沒却如空。依稀往日丹楓路。稍見霜前遠近紅。

還至歸州

最喜茲州喚秭歸。歸舟聞此各依依。不辭過峽三聲苦。且與征途九折違。問答漸聽鄉語近。逢迎寧計主人非。獨餘一副酬知淚。忍向西陵道上揮。

寄答尤時純

宦邸家居數見貽。三年千里夢相隨。高情恕我嗣音少。畏路憂君作事奇。滿腹精神堪獨往。半生氣俠諱人知。行藏亦自超流俗。士所當爲未止斯。

寄譚友夏復招之

也知物論每難平。素負高懷諒不驚。如子自無煩富貴。旁人未免重科名。暫因意外升沉事。默證胸中靜躁情。遙想扁舟當此際。出門無累往還輕。

復雨和友夏仍留之

冬雨連宵亦不時。當茲欲別却相宜。留經幾度辭彌拙。聽過三更意漸移。夕吹聲中殘葉怯。山寒來處客衣知。看君原不勞維繫。又借愁霖自改期。

山夜聞鴉同諸子分韻卽成(得明字)

亂處高飛每易驚。出林誰是最初鳴。幾千萬點孤村遠。過兩三聲片月明。山晚後棲須好侶。天寒羣影見慈情。閒聞亦復關何事。能使空齋客思生。

友夏再至晤商林一丈與予兄弟山居旬餘將歸

計爾南歸三月餘。十之五六住吾廬。此回良晤尤非偶。前度奇談亦不虛。賓主豈能同世法。眠餐直欲作家居。頻來久聚渾忘却。只記明朝又別予。

孟和茂之將過友夏湖上

與共經旬住小園。何須更往扣渠門。義宜拜母兼兄弟。趣必由山及水村。縱去猶當寬信宿。卽留寧得幾朝昏。行行予欲之官矣。此際情辭不可言。

至眞定

偶隨計吏北之官。一月嚴程七日殘。文物清時王事易。風霜遠道客身難。每來幽薊多逢臘。此度滹沱獨不寒。朔氣最高冬未雪。豈宜春近土猶乾。

暫駐涿州抵良鄉再宿

長安近在舉頭邊。何以逡巡屢不前。百里情多難九十。半冬途未了三千。憐茲驛路寬朝夕。幸我程期可後先。京邑故人相待滿。轉於將至意紛然。

丘長孺宅看暖室梅花（同馬時良仲良商孟和）

臘盡寒花未可尋。見花偏不必寒林。移當密坐人同邇。開值他鄉意獨深。一室冬春俱在眼。數枝遲速頗經心。冰霜祇隔軒窗外。似惜幽貞不忍侵。

早秋

次第高城生遠音。離離清露報疎林。微涼不待晚先至。積雨能令秋易深。數載獄中惟有夜。九邊兵氣半爲陰。悲哉觸日多情事。漫道徒驚楚客心。

秋曉

清秋但覺曉尤清。起趁空明遶砌行。在竹露沾星下影。出林鴉帶夜來聲。烟隨歷亂孤光去。人語稀微衆動生。高枕倒衣皆此際。紛然喧靜各爲情。

汎江尋三遊洞降觀於峽

漸上西陵江不開。棹隨高急去疑回。灘聲過洞杳無見。峽影銜天皆欲來。古壁蒼茫非草樹。寒巖秘密或風雷。潦收石出才如袂。看作瞿唐五月堆。

雨發裕州

歇馬驅車每夜分。關雞曾未夢中聞。雨餘殘月去塵久。露下寒星照客勤。蟲自亂鳴非屬

和鷗於相值偶爲羣。生來澤國安卑濕。連日南行皆水雲。

丙辰聖節前東宮出講蓋八月初四日也恭譔二律

儲幄塵封十四年。人人測海與窺天。嚴慈要使羣情裕。講讀須教盛事傳。意定宮庭宜諭後。禮逢中外祝釐前。竟從攀檻疊臣語。難道皇心不曠然。（乙卯五月上御慈寧劉侍御臣奏對失次下

詔獄）

又

師儒圖史立森森。可但三餘自討尋。温室晨昏知有寄。廣庭耳目貴常臨。皇家絳帳書生事。父道斑衣赤子心。無數孝慈難出此。前王作法意高深。

十五夜同林茂之過俞仲茅步月

每有佳期共亦艱。屢邀真自見君閒。孤光多在烟霜後。積氣如行天水間。是夜於秋偏易好。何人與月最相關。殘砧步步不知處。能帶寒聲隨我還。

九月五日天津舟泊和茂之見岸女簪菊之作

常時九月上旬前。未必寒花在酒邊。插鬢想他開已久。驚心羨爾見能先。數枝紅似霑霜氣。一路香應照水天。買置舟中伴蠻素。欲成三婦各嫣然。

泊頭逢虞伯醇孝廉同康虞茂之過飲常充符孝廉水樓留贈
偶爾停舟道姓名。遊栖事事若先成。主賓妙在無因合。歌舞初非有意生。月與水烟秋一
魄。花添樓榭夜多情。知君別後思今夕。愁見他帆烟外行。

岱遊告成示康虞茂之

岱於五嶽領圖經。雍穆無言具典刑。灑氣自然歸一朴。虛懷隨處見羣靈。衆中耳目尋常
過。理外情文咫尺扃。深感同來俱靜慧。能將願力答真形。

贈焦弱侯太史

始見圖書鐘鼎人。後來典則古精神。惟予敢謂尋常事。在爾行將八十身。學禮於周兼杞
宋。垂文自魯逮關閩。不須更問蒼生意。要使清時有鳳麟。

宿浦口周茂才池館

江邊事事作山家。復有山齋著水涯。一壑陰晴生草樹。六時喧寂在鶯花。潮尋故步沙頻
失。烟疊新痕嶺若加。信宿也知酬對淺。暫將心迹借幽遐。

訪陳眉公於舟因共集俞園

相逢各不愧聞聲。一楫舟中見一生。名士去來關耳目。高人語默遠機情。禽魚於我心無

隔筆墨窺君道甚平。自是出山時最少。閒遊未免致將迎。

九月七日蘇弘家符卿要集靈應觀

節物催人昨夜霜。先來高處待重陽。深秋欲盡偏能好。積水無他但有涼。草樹層層生晚霽。亭臺步步上清光。歸途不定風烟外。初菊殘荷共一香。

秋夜集俞伯彭園池

閒園無意作衰天。水氣花陰事事然。霜後芙蓉獨有露。冬前楊柳暫爲烟。魚龍夜惜殘秋去。烏鵲寒驚片月遷。四序棲尋吾欲遍。愛君不獨在林泉。

花山禮銅殿（是僧妙峯造）

一路晴陰屢不分。山中風候易紛紜。村過數日無紅葉。江近雙峯似白雲。蛇虎夜深求懺度。鼓鐘人定示聲聞。可憐世外僧經濟。金火須臾歷劫勳。

歲暮喜董崇相大理至白門

舟車多故敢爲期。相見雖遲勝遠思。蓄意欲浮成塞默。作書未寄恐參差。對君又在佳山水。幸我兼當暇歲時。可謂此番非望外。幾人有約尙天涯。

夜咏彭舉燈下水仙花

紙窗花石自層層。香色團欒共一燈。不欲上天聊在水。（水經注方丈在海中羣仙不欲升天者處）
只愁經雪乍爲冰。先春似避寒梅妬。子夜如嫌素月增。道是洛川神未信。火邊波影有誰能。

臘月十五夜攜酒資約茂之過集彭舉齋中

斗酒家中自不無。就君但覺主賓殊。歲過此夜誰能再。月比常時欲更孤。燈火半窗年事在。圖書一室古人俱。出門看共閒行地。盡是明朝車馬途。

董崇相要過金陵寺登所構遂有亭（同許伯倫林茂之）

金陵面面蔣山靈。偶爾孤峯值此亭。數笏軒楹廉所積。一窗林水靜堪停。稍離耳目曾經處。但覺烟霜亦異形。歸路却尋殘照下。回看鍾梵在青青。

隱秀軒詩字集

七言律二

戊午元旦

時萬曆四十有六年也過嘉靖歷一載矣惺生於萬曆二年甲戌感而賦詩

尺寸今皇教養身。叨爲四十五年人。地閒拜手書時日。官缺違心守俸薪。（予時擬部猶支原
官俸）一夜雪分花五六。茲辰歲界接冬春。敬推祖曆周常始。靜聽天淵聖慮新。

夢山中題壁有石引長松天一笑之句起而足之往索彭舉畫

空山雞犬夜無驚。靜者深深獨往情。石引長松天一笑。橋迴寒瀑月三更。雲林轉覺幽懷止。冰雪能令慧業生。說向高人資畫理。比來漸喜夢魂清。

春暮看桃花宿王氏山莊作

春遍郊原恐易終。人情爭向數朝紅。曾經詠賞心尤戀。未接香光魂早通。山月一更風雨後。園花半日霽陰中。忍看歸路飛飛處。較昨來時已不同。

白門逢范長倩學憲賦贈

浮家汎宅偶逢君。各有清機副所聞。身是今人疑已古。妻能偕隱不妨文。墨花舊灑炎方雨。囊草新霑震澤雲。愛爾山中雖欲到。攜來烟水暫相分。

正月二十四日始見人家瓶中粉紅梅

塢邊梅信反遲遲。珍重瓶中始數枝。爲負紅顏成異種。故超素質得先期。愁同桃李春相見。幸託冰霜晚自持。一段神寒能立俗。豈因微豔損幽姿。

再登浦口王茂才山樓望石武庫澹寧所造新城

水上樓居忽有城。重來翻覺類新成。鶯花每次逢長夏。風日無端屬午晴。山對層楹還自若。江添睥睨倍多情。亂帆屢向烟邊沒。去遠參差却漸生。

九日攜姪昭夏登雨花臺

節物登高雨未成。閉門聊復愛其名。客邊難見重陽好。郭外剛傳此日晴。子姪漸親知老至。江山無故覺情生。悲秋欲問秋何處。絲肉叢中一雁聲。

二月三日再汎赤石磯勒詩於石

又乘佳日汎餘清。昨夜猶聞風雨聲。一水恰周城內外。三春半付節陰晴。舟經花鳥兼山

趣岸寡亭臺稱野情。珍重磯頭千古石。今年上巳始題名。

六月十二夜吳康虞要汎秦淮同諸子分賦得舟字

不獨今宵可共遊。偶因清暇念淮流。殘陽漸去方知水。美蔭非多却在舟。風露半更天盡月。樓臺三伏夜爲秋。一涼以外全無待。朋侶溪山得自由。

夜出安德門往牛首道中作

出郭千門半欲關。往遊多用此時還。月離樓榭翻能滿。夜在郊原始覺閒。草際螢光如曉露。葉邊蟲響作秋山。一泓清淺滄然去。昨夕身行烟水間。

六月十七日汎溪就青海宗侯水榭看蔣山令弟渤海具舟要

往

城中却得蔣山全。始愧從前十數年。不信遠峯平地是。有如登閣出郊然。隔烟柳色先秋事。待雨荷香欲暮天。取次高情生一朴。兄家園館弟家船。

七月十二日宋獻孺招集茅止生烏龍潭新居

同潘景升林子丘茂之譚友夏

別有寒流四序深。清光片片化爲陰。天淵一氣何時已。風日同香不可尋。幽岸秋堪添短

筏斜陽日久待高林。賓朋亭閣俱無故。情事頻生靜者心。

白門逢周明卿大司農誕辰賦贈

進履今年北斗邊。國稱元老里推賢。人欣私願尊親合。天篤公家理數專。魚菽他鄉三黨會。桑蓬夙昔四方緣。蒼松莫道風霜肅。處處垂陰歲歲然。

再過錫山訪尤時純

愧近君家到未能。塔燈南郭見層層。十年驚換新兒女。再別彌知重友朋。風味漸親朝慧水。夢魂先報夜毘陵。時危各作山中計。此興從茲豈易乘。

夜步長橋

去愛長橋似大隄。歸途猶未甚嚴凄。月過晦朔方能好。日見賓朋以次齊。豫惜晴天舟信宿。果逢清夜水東西。寒城內外斯須遍。一棹光中意反迷。

訪王聞修年丈

一棹茗烟返自如。淞澗數息得幽居。新攜登汎情無已。追味溪山話有餘。別後欲窺人外意。到來先覩案頭書。問君婚嫁垂終日。可許當予作父初。

過文啓美香草垞

入戶幽芳小徑藏。身疑歸去見沅湘。一廳以後能留水。四壁之中別有香。木石漸看成舊業。圖書久亦結奇光。君家本自衡山出。楚澤風煙不可忘。

虎丘訪章眉生看殘雪作

婁門雪未達明朝。到此冷然尙動搖。竹半夕陽隨客上。巖前積氣待人消。餘寒入臘留相護。遠色兼晴坐可邀。想爾昨曾登望處。紛紛親見下層霄。

讀元歎詩不覺有作

詩亡豈遂絕真詩。喜得其人一實之。怒罵笑嬉良有以。興觀羣怨想如斯。禽魚鳴躍叢淵下。草木勾萌雷雨時。巧力非天亦非我。後先機候可能思。

贈丹泉周翁（時年八十二）

聞名久不信同時。敢謂今朝真見之。萬石轉丸如未動。羣賢落筆卽相知。兒皆白首身無恙。意在青山夢亦隨。豫惜餘年申後晤。勞勞翻慮我愆期。

還至無錫再晤鄒彥吉先生

歸帆猶帶別時霜。道路無多計日長。遊盡未殘山雪影。到遲堪待澗梅香。念予寒夜舟何處。對此良朋水一方。但記去來皆見月。中間陰霽亦相忘。

二月三日重過靈谷看梅（王觀宗招同方孟旋諸子）

常年花事不曾難。今歲重來始得看。風雨半春留好日。香光二月出深寒。叨陪索笑遲何憾。共念攀尋滿欲殘。幽賞先教聞見靜。澗邊步步踏松湍。

陳中丞正甫自晉貽書白門極爲相念感答時將以南少司農

蒞任於此

十年遶漸陸沈間。屢見時情國步艱。如某一官何足道。惟公千里亦相關。圖書頗愧封疆苦。花鳥微霑歲月閒。重地安危元老在。暫容流寓不須還。

題小東山贈王翁（翁新買此山其子構亭其上）

三十年前解綬還。今朝才有小東山。四時花月寒暄裏。百里耕桑坐立間。微祿買山言未易。佳兒扶老命維艱。所期杖履長無恙。歲得從君一度閒。

題葛澹淵廷評署中巢居

古植覆水卽巢居。流影交加荇藻如。魚鳥不爭人事外。天淵無禁吏情初。閒看早燕來稱賀。拙引春鳩與共廬。俯聽鶯音何所寄。釣磯仍借一枝餘。

喜湯嘉賓司成至白門晤宿燕磯舟中（同潘景升）

默然對楫已無窮。何似音書日日通。十載形魂凡屢定。一舟情事不堪終。別經覆雨驚濤後。見在清風朗月中。幾欲過從托心口。君來予往亦相同。

白門病中送尹子求先生解蘇松兵備任歸里

舊帆又泊石城津。出處殊途隔歲身。師友剛離逢病日。邦家多故羨歸人。自來薄俗生文物。難以孤情久世塵。一簣未成聽君去。東南後慮不遑論。

章章甫自中州至白門過訪行及一月聞有言予死者

意外崎嶇命駕身。幾爲白馬素車人。雪霜路不盈千里。生死情先亂一旬。尊酒由今思往日。篋詩自臘到新春。重逢豈必論他故。一別如茲已愴神。

二月初五日重看靈谷梅花

依然松外澗邊梅。十日之中兩度來。晴雨莊嚴孤格韻。冰霜呵護萬條枚。容予無事頻頻看。恣爾多情緩緩開。猶恐幽香尋未遍。翻因迷路得泂洄。

冬夜集吳體中中丞西園觀劇（同魏士爲潘景升）

歲寒園古自蕭森。隨意煙霜水木深。城裏慣看山四面。冬來初見月千林。佳人文士皆幽侶。歌板禪燈各道心。六載白門將去客。後庭密賞却從今。

隱秀軒詩集



隱秀軒詩宙集

五言排律一

觀象臺銅渾天儀刻漏

製出何人手。年標異代君。篆存科斗跡。班上鷓鴣紋。古瓦棲朝露。孤楹抱宿雲。九金來禹牧。七政準堯文。候較吹葭審。躔從累黍分。當時甘石輩。心目太精勤。

送湯去執從程時鳴明府之鞏縣應其館聘兼柬時鳴

不忍舍君去。胡爲復勸行。暫緣俯仰計。強割別離情。所賴賢明府。伊予舊友生。依人占識鑿。食力見幽貞。明發卽千里。今宵坐幾更。不知書記外。暇日亦何營。

北郭十方菴有荷數陂列樹垂陰日中移坐月出始歸

稍入清冷國。身心濯衆香。野穠魂欲醉。池靜影堪涼。葉際窺千佛。花前對六郎。好風微報月。空水薄如霜。湖晚收殘暑。林秋戀夕陽。靜居非郭外。歸路不深防。

溪晚

浩渺秋難望。平林但遠煙。山楓紅隔寺。谿水碧迎船。寒犬喧疎店。驚鴉亂晚天。僧歸殘雨外。笛散夕陽邊。幽思宜孤往。高情多所捐。不知吟眺後。何事亦淒然。

送龍君御觀察再之湟中

戎馬湟中地。如君往詎宜。從來要害處。特用老成爲。天欲優文士。途方喙屬夷。輕車原熟路。緩帶且荒陲。簡練屯田議。悲涼出塞詩。朝廷倚充國。枕席過王師。

晴

積陰時亦豁。敢作喜晴詩。秋雨愁人慣。朝暾恐我欺。嵐收皆有漸。山霽或無疑。稍聽雲安近。尤宜日出遲。埵暄行蟻逸。江暖浴鳧知。半月成都路。從茲諒可期。

舟晚

舟棲頻易處。水宿偶依岑。岸暝江逾遠。天寒谷自深。隔墟烟似曉。近峽氣先陰。初月難離霧。疎燈稍著林。漁樵昏後語。山水靜中音。莫數歸鴉翼。徒驚倦客心。

夔門卽事十韻

井邑經夔府。川途盡蜀徼。山容皆鐵石。民事止漁樵。竹柏巖喧寂。雲烟壁晦昭。江流天欲去。舟過峽相招。岸遠猿投磔。枝危鳥構橋。菑畬穿石隙。籬舍繫峯腰。積磧居難定。頽沙土易礮。

冬衣資野葛。晚爨就山條。燒圃蔬爲果。烹泉茗雜椒。惜哉形勝地。風物亦蕭蕭。

入邑往還宿徐乾之北庵皆不值

此地經來去。容庭廢送迎。三人猶共宿。(時與劉艾二生偕)一月再經行。主客皆無意。眠餐較有情。蛙喧終不俗。鶴病自然清。感寂幽人性。中邊靜夜聲。向時初吐月。重見或殘更。(前宿以五月初七夜今爲二十六夜)

夜汛

始來驚晦靄。久乃快森沈。月迴頻生浦。霜輕未滿林。孤光澹何止。萬象窈然深。烟水開人意。秋冬警我心。滅明波異狀。喧寂夜同音。但見扁舟入。無由識所尋。

課除後園草屋客子孟和茂之

園荒吾且廢。君曰可幽居。愛此山川意。兼爲朋友廬。纔因稱賞後。稍事掃除初。竹樹行將乞。榛蕪以次鋤。繁宜先去甚。淨亦自成虛。到處有衡泌。游棲當晏如。

其二

爲此已云晚。從今漸亦清。重編籬有法。頗去草無名。居僻交宜恕。朋來趣共生。牀移庭最淨。杖就樹初晴。疎密因時取。縱橫各意成。閉門幽豁處。山月不難明。

臨穎署中和商孟和看含胎牡丹之作商閩人（閩鮮此種）

國色多珍重尋常不入閩。洛中生長惜炎服見聞新。忍艷過寒月留香與晚春。避藏含意處矜慎待年身。幸爾相逢日當他未嫁辰。韻華雖少小情貌已清真。有似南君子驚看北婦人。等閑籬壁物易作魏姚論。

宿固城店同孟和作

可緩今宵發無多二日程。一眠安苟且有友不淒清。雪曙先於月霜繁後必晴。餘寒浮欲出積氣靜初平。僕馬勞堪病興居簡自輕。縱非前路暮吾意詰朝行。

癸丑春晤別同門諸年丈感贈

（時在都者爲陶不退鄒臣虎葉讓卿與

予入計者爲何昆謀喬君求文天瑞張爾荷史敬勝）

蘆溝師友別二十一人全。列職俄中外浮踪輒後先。蓬飄不必論木折獨淒然。重晤今非夕難同是此筵。昔游無半與相去祇三年。又復紛紛往天涯若箇邊。

五月十六日集十方庵水邊

（同尹孔昭魏士爲謝耳伯繆當時羅玉檢

陸君啓王貞舍）

一回來憩此景事一回加。園果閒中子池蓮意外花。茶瓜僧地主烟火寺人家。蒲葦風皆

去鷗鳧浪與斜。坐頻過好鳥。歸定准昏鴉。山雨殘陽後。幽香發水涯。

秋後五日題東長安諸友

立秋在六月。是以不知秋。似見木微脫。才驚火欲流。辭家爲客幾。半載四時周。一鶴唳幽獨。亂蟬鳴旅愁。良朋偏易別。薄宦亦何求。積雨涼無漸。空階潦未收。高寒燕地改。卑濕楚人憂。故國方鷄黍。胡爲各滯留。

檣山（在浮渡山前如舟之檣一曰天柱峯）

一柱何其幻。分形應衆巖。身經千正側。峯只此巉巖。但自離金谷。皆能覩石函。居中人笏立。忽斷鬼斤剗。山以浮而渡。檣如動欲攙。蜿蜒龍作纜。（山有石龍峯）瞻顧屢回帆。

小孤山

是峯瘦而特。名曰小孤宜。前筍何曾帶。盆蓮祇一枝。禽魚殊所視。形影共爲疑。水與之周始。烟無可蔽虧。登焉堪四面。過者不多時。流峙相持處。舟航未可遲。

九日至玉泉與友夏居易登覽宿於寺

人生重九日。幾度集高深。下馬登臨事。出門山水心。再來同節物。善息就森沈。積鐵存文質。寒鐘臥古今。月遲終一照。源幻異初尋。澗晚多精感。林秋寡近音。遊人皆此賞。靜者自然欽。

幽聽虛無盡。巖星響碧陰。

友夏見過與予檢校詩歸訖還家

子有子當務。安能禁子歸。茲來真不苟。所得頗皆微。孤意相今古。虛懷卽是非。周之東可反。檜以下無譏。刪贊心如此。風騷事庶幾。一辭才許共。衆慮始知依。暫別尤交勉。新聞幸勿違。何如日相對。心目發天機。

黔闡事竣示同事者

勿云黔事少。相士者何如。寡昧叨衡鑑。公勤答簡書。百靈燈燭後。一字腎腸餘。心力猶堪共。恩私不自居。每於經目處。各念致身初。挂漏吾知免。諸公遠勝予。

贈楊太公

父子孫三世。文章富貴仙。唯其無物累。乃可永天年。理數俱逢獨。神人特與全。落花隨所值。脩竹至今然。濟勝寧須杖。尋幽屢捨船。翻嫌天上苦。長乞住桃川。

十二月十一日雪

長安雪無候。昨夜月方明。所見倏而異。中然同此清。霑霑動植喜。汨汨水泉生。天地別爲色。冬春才有情。尙期能累日。莫遽報新晴。驢上橋邊事。難言不出城。

二月十五日出郭集慈壽寺

若是南方地。鶯花事欲闌。今年暄最晚。只作早春看。新水分冰半。孤烟出樹難。堤楊黃可必。池草碧無端。務寡客談永。道高僧步安。遊期從此數。節物爲人寬。

夏冰

清冷不必論。所貴在虛明。大火同時事。重陰隔歲情。啓藏王政備。愆伏帝心平。冬夏中何物。風霜外有精。水應無此靜。雪固讓其貞。祭非誠爲重。浮瓜祇益輕。一寒誰所護。六月儼初成。似與暑相得。翻嫌秋早生。

戲題燕姬新入舟

蘭舫攜初入。堪憐未解驚。依然形性習。漸爾見聞生。侶伴曾無改。房櫳似宿成。問人沙外影。觸類夜中聲。慙豈知津妬。嬉偏厭水平。所矜非有異。相悞謬推誠。岸已移今處。村仍指舊名。乍聽鄰鼓動。始悟共川行。以此爲閒緒。因之緩旅情。蕩舟舟自若。私亦羨身輕。

舟次喜康虞先寄載酒醯諸口物到戲爲六韻

行行望意氣。果以庶珍從。許我分三月。知君計一冬。倉曹方步送。驛使有舟容。製蓄效非易。緘題禮必恭。挈瓶親檢校。染鼎快遭逢。朝飽誰能待。今宵試佐饔。

恭謁闕里

聖道求斯在。人情敬所居。瞻依專有屬。登覽又其餘。夷夏爭相効。賢愚恥自疎。面顏開嶽瀆。衣履示圖書。檜楫知何已。風霜想厥初。山頰翻更壽。宅壞竟難墟。帝力司呵護。神工職掃除。威儀王備物。請問素焉如。

吉祥寺有梅一枝次日往看（同焦弱侯黃貞父）

秣陵梅最著。靈谷近千株。物以多爲貴。神雖清不孤。我聞生也異。所處自無徒。松檜高巖骨。冰霜綽約膚。寒偏開向暖。艷不累其癯。各作花思理。初無繁簡殊。

隊土蟬（有羣蟻共持之茂之解焉）

神潔誠難辱。居高未免危。又非逢臂怒。遂致折肱悲。唵嘯能無廢。隄防似亦遲。幸災羣小急。感遇一身知。命已看如蛻。心猶惜此綏。結纓懷鄙志。措網荷弘慈。弓餌煩相警。環珠恥見遺。寒宵深抱葉。賤子報恩時。

再至棲霞寺（前遊在甲寅正月二日）

却記曾遊處。於今又四年。經行才及半。聲跡已如前。存沒僧皆去。登臨半不全。水風諸感集。巖澗六時然。青入無窮內。紅爭未落先。昔來春物淺。翻讓早冬天。

姬人剗朱橘作燈懸臘梅花下詠以新句

以意爲重燄。多情照一香。夜生溟海日。寒帶洞庭霜。何惜燒微質。貪持暖薄粧。精神無可譬。形影暫相當。素欲成醜鬻。丹原具熱腸。不離花實外。別自作奇光。

又

霜質生寒火。圓明見寸靈。中邊歸了了。香色藉星星。花有神相感。珠當夢乍醒。於茲垂未照。知子惜微馨。薄命非因熱。幽懷恥向冥。過淮終勿改。遲暮鑿娉婷。

章晦叔至白門題其行卷

衣帶金陵水。君行豈易哉。精神隨處始。願力有生來。以此縱心往。不然中路回。度人諸祖事。入世列仙才。師友交由命。山川去藉財。雪中貧杖履。幾見近郊梅。

拜林初文先生墓

先生諱章。閩之福清人。詩文有異骨。不爲嘉隆人聲習。讀之知爲豪傑。亦恥作文士。好倜儻之畫策。竟以奇爲異己者所中。齎憤而沒。葬金陵牛首山之高村。有子二人。曰懋。曰古度。皆以詩世其業。懋卽子丘。古度卽茂之。蓋先生沒十年而惺獲交其子。又十年爲萬曆戊午三月十一日。乃拜其墓。贈以詩。今墓道稱林初文孝廉者。以先生曾舉萬曆癸

西鄉試也。

亦是閩中窄。終難有此人。異鄉三尺土。在日四方身。羸博從吾好。要離不苟鄰。文爲生性命。俠作死精神。直以聲相友。非緣子拜親。骨埋良有故。膝屈豈無因。炯炯今堪古。存存夜向晨。眼光猶未落。屍視最爲眞。

郭聖僕五十首（在五月五日）

世多同面目。子獨具精神。癖貴居心淨。癡多舉體眞。每觀三代物。用養百年身。長豈嫌齊戶。孤難在十鄰。無生方是壽。與我自相親。法界留君住。寥寥予數人。

秦淮隔舟

情事良非一。層層向此生。重陰藏晤語。亂火照歌聲。傍願波常定。窺嫌月太明。香光成密感。心耳效微誠。人以遙斯貴。時因暫不輕。泓洄雖易遇。歡惜反難平。投佩申他夕。留衫到五更。寄言同坐者。謾道意相傾。

送董崇相予告還閩兼柬曹能始

見君來歲暮。今又道歸閩。終始須明旨。行藏匪小臣。一腔憂國念。半載杜門人。自有施於政。非無著此身。閒尋巖洞舊。靜閱弈棋新。寄問東山伴。沈冥意果眞。

秦淮五日賦得投詩贈汨羅

湘纍千古去。意氣久當平。所以懷沙賦。無煩激楚聲。佳時神易下。幽感目先成。舊俗猶歌舞。新詩卽杜蘅。思君心窈窕。臨水聽分明。欲共滄浪詠。休爲澤畔行。形魂常夢寐。酬對若平生。因想岷山事。悲歡亦此情。

訪友夏不值自朝坐至暮始歸

名士身難靜。幽居事漸稀。約曾煩折柬。到尙喜留扉。敢以偕來衆。而疑先去非。堦庭如有待。筆墨得相依。熱客尋聲返。寒吟抱影微。勞生分暇日。舉體在清機。乍雨陂塘氣。浮涼草樹暉。比時堅坐意。不爲遲君歸。

送雷實先以京兆司李遷滇中郡丞還楚

一身三作令。十載兩爲丞。直以投荒去。猶將晉秩稱。留錢諸叟記。載石後人懲。盜止輕張敞。威伸忌李膺。孤舟辭建業。初服在江陵。時論何須定。君心本不競。

送南大司馬黃公移督戎政時遼警

治極思軍旅。才難見老成。主憂臣子辱。師吉丈夫貞。箸在前籌近。車從熟路輕。據鞍今壯志。橫槊舊聞情。堪豈仍言讓。聞宜卽戒行。臨秋方肅殺。會日可清明。戎以何爲政。京徒尙有營。

守攻須早計。調募忍相爭。體國寧推命。安邊恥得名。勇謀疆吏事。廟算仗精誠。

訪鄒彥吉先生於惠山園

青衿稱弟子。白拜吾師。隔歲雖相見。登庭亦太遲。烟霞身羽翼。松菊地威儀。鶴引舟尋勝。花因客展期。選聲窮靜理。結構換清思。泉響寒無著。山情月所私。遊棲非偶爾。緣願或先之。福德衡門在。頻來自有時。

詠求仲家紅鸚鵡兼有所贈

毛羽自成族。聰明且勿論。氣堪銷朔雪。光久沐朝暉。照水常愁指。離鄉况斷魂。朱衣官幾命。紅粒主深恩。因熱心無著。藏身舌尚存。歸依惟念佛。清淨火中言。

遊天平山范長倩園居

始吾來此地。祇作范家園。是日登臨半。茲山本末存。天將全物與。人許夙懷敦。徑借廊分合。巖隨樹吐吞。會心頻拜石。尋響或逢源。孤月照登閣。千峯生閉門。高深如一氣。墜倚互爲根。自幸遊皆靜。秋冬事不煩。

喜錢受之就晤婁江先待予吳門不值

不敢要君至。旣來彌解顏。友朋相見意。形跡亦何關。兩度來迎候。孤舟費往還。可知心過

望正以事多艱。學道身初健。憂時神頗孱。浮沈十載內。毀譽衆人間。試看予流寓。何殊子入山。機緣如互湊。述作有餘閒。

吳門悼王亦房

三度吳門路。而猶不在茲。地曾煩屢約。主反問新知。未及交其父。(君百谷先生第五子)云胡奪此兒。匪予來太晚。是子去先期。漸近詩方始。無前意所之。驢鳴聞與否。麟死獲何爲。賤天仍艱嗣。圖書又付誰。遺文人汎惜。衰戶婦難持。酒色藏孤憤。英雄受衆疑。傷心湯氏餒。(謂湯因)歸骨范生悲。(謂范)敢問辰安在。同遭數太奇。愁霖頻欲和。今乃悔遲遲。(君遊燕詩有雨中見東之作。欲追和未及)

訪元歎浪齋

讀詩交已定。相訪庶無猜。室與人俱遠。君攜我共來。庭空常肅穆。樹古自低徊。積學誠關福。居心亦見才。棲尋欽舊物。坐臥出新裁。寒事憂堪媚。冬懷孤更開。鳥聲園所始。燈影漏先催。靜者方成悅。冰霜照夜杯。

梁溪寄井陘兵備朱無易託友人真定守朱叔熙郵致

相晤書書及。言歸歲歲空。可堪魚鴈地。漸作馬牛風。前後思良友。榮枯庇我公。(謂友夏叔)

熙) 不愁三輔隔。與戴二天同。木李儀曾報。梅花使未通。高流羞薦牘。遠道藉郵筒。昔荷君民略。茲欣上下融。况皆存體國。豈各愛輸衷。離合情伊始。寒溫語詎終。井陘今夜月。亦照錫山中。

讀馬冲然民部詩喜贈

本以意間物。豈惟才絕羣。每慚師薄德。翻幸友多聞。一日知殊淺。千秋誼共殷。富甯甘作宰。書且欲歸君。識力權今古。聲情具質文。借名心未屑。請益禮何勤。鞭影俱非矣。樨香舉似云。不須窮所至。言下已欣欣。

題吳子孟子念佛圖

女子難於感。斯言始雪之。看他興願日。先我發心時。佛不輕新學。君當作導師。欲令常自見。未許老夫窺。面目真開示。巾裾儼受持。最差稱小婦。久誓觀弘慈。水月楊枝證。清涼藥草知。林泉閒步立。三七內思惟。但以因緣事。仍祈福慧兒。不然癡眷屬。長此亦奚爲。

自題畫贈陳子素考功

時復自揮染。天機疑未深。感知生喜悅。命意到森沈。以我雲烟筆。傳君丘壑心。無人山路遠。不夜水亭陰。妙借空齋氣。(君有妙氣齋)清添四壁音。可言幽曠內。未有客棲尋。

得魏士爲書却寄

誼合分功罪。浮沈愧暫不。滔滔今若此。咄咄豈能無。性不堪同濁。身甯免集枯。圖書親往哲。義命豁前途。交久當由寡。情多不礙孤。靜觀山鬼窘。瘠借道心腴。

張金銘有幽居在虎谷問胡昌昱言其意影略寫之詩寄所懷

別來忘歲月。未暇念升沈。千里夢魂路。兩人泉石心。買山兼不貴。取徑大都深。何處可藏屋。此中堪入林。雲流先有響。木落尙存陰。問罷曾遊客。重將筆墨尋。

寄賀周明卿太宰加宮保蔭孫

稠疊看新寵。殷勤畀舊人。欽哉三獨坐。咨爾五朝身。譬雨方滋旱。如星欲向晨。豈惟優報稱。抑亦望調均。虎拜承天語。蟬聯作世臣。文饒光蔭冑。賈至續絲綸。大禮難謙讓。孤懷倍苦辛。時危兼主幼。俯仰自逡巡。

隱秀軒詩洪集

七言排律

徐元歎再至金陵過訪將歸吳門送之

已非碌碌舊吳蒙。神宇今番又不同。愛我門庭仍似水。看君衫袖欲從風。爲期珍重冬春後。相晤蹉跎花鳥終。每夜座皆邀好月。兩年來必值新桐。手冥疏茗高人福。語默冰霜靜者衷。生死到時思善友。倡酬忘處見名通。覲顏翻作難遭想。刮目常生屢別中。但使重逢各精進。莫怨歧路暫西東。

隱秀軒詩荒集

五言絕句

友夏齋中看折枝海棠

連睡辭新壘。含顰憶故枝。一番濃頓意。絕似馬嵬時。

懶石（爲胡彭舉賦）

片石能飛來。舉體似不墮。飛來不肯去。名懶亦自可。

又

舞蹈理袍笏。端坐不答拜。爾顛予亦懶。同病了不怪。

題范素容所作子皿和蘭竹畫扇

南國多蘭竹。風煙寫未真。沅湘魂一段。消付管夫人。

至巫山

不歷巫山曲。焉知楚塞長。巴東行二日。纔到古高唐。

茶詩

水爲茶之神。飲水意良足。但問品泉人。茶是水何物。

其一

飲罷意爽然。香色味焉往。不知初啜時。從何寄遐賞。

其二

室香生爐中。爐寒香未已。當其離合間。可以得茶理。

前懊曲

錦衣亦有寒。肉食亦有饑。安知怨曠日。不在合歡時。

又

畏君知儂心。復畏知君意。兩不關情人。無復傷心事。

又

所願謂儂癡。所願謂儂薄。剪刀斷君情。歡怨無由作。

後懊曲

女子惟一身。丈夫百爾思。星中露中事。來問儂底爲。

又

郎自志心人。不用頻鏤臂。儂命郎所爲。好醜作儂計。

又

竊玉移花事。臥薪嘗膽情。保郎無得失。天知郎至誠。

自題桐陰圖贈莊若侯明府其尊人鶴坡子同年友也

高低不作林。烟雨自深深。託庇名高士。濃陰兩世心。

隱秀軒詩集



隱秀軒詩日集

六言絕句

諾詎那尊者巖偈（有僧入牛頭寺。寺僧禮之。臨去。遺一鑰。曰。持此至中巖扣石筍。卽見我矣。久之。低頭佛失珠。僧迫。乃憶前語。持鑰扣筍。筍開。爲三。得盜珠還。）

偶爾喪珠復反。急時扣鑰相求。未免勞勞多事。世尊不合低頭。

其二

未必衣珠真失。總緣巖石當開。自供羅漢遊戲。不管山僧往來。

隱秀軒詩集



隱秀軒詩月集

七言絕句一

秣陵桃葉歌（并序）

予初適金陵。遊止不過兩三月。採俗觀風。十不得五。就聞見記憶。雜錄成歌。此地故有桃葉渡。借以命名。取夫俚而真。質而諧。猶云柳枝竹枝之類。聊資鼓掌云爾。覆舟春半望雞籠。玄武青青隔雨紅。古寺夕陽流水外。遊人不信是城中。

又

女兒十五未知羞。市上門前作伴遊。今日相邀佯不出。郎家昨送玉搔頭。

又

朱樓畫舫隔垂楊。各住兒郎各女娘。不知河房看船上。不知船上看河房。

又

麥苗春淺互高低。滿目青黃望未齊。畚土挑來錢四十。丁公募挖上河堤。

又

四月鮒魚不論錢。千錢劣得一時先。河邊挑向城中去。走到城中減半千。

又

千金舊院博嬌歌。車馬輸他狗洞多。阿母私嗔門冷落。埋名偷住上新河。

又

小合輕囊貯甲煎。自溫舊火試新烟。休論爐底名香價。一碗爐灰買百錢。

有贈

閱盡朱門與狹斜。綠珠第子舊名娃。縱懷玉遂他家去。忍聽尊前說石家。
僧至自五臺。得座師雷太史書。

又

悔從暇日負名山。接得涼雲片片閒。向肯相隨拚一月。此時應共此僧還。
渴筆摩崖幾處拈。山僧去後解莊嚴。歐公自寫遊山記。不必銀鈎借子瞻。

蜀道九日

累日發山不記重。峽中九日客中逢。只今輿馬平平處。何止家園上上峯。

早發成都出西郊

萬里橋頭稍稍西。鷄棲虎落信高低。沿城一派青青路。昨日從茲問浣溪。

又

細水平橋著處宜。薄煙疎竹曉離離。野人置屋溪流上。身住仙源知不知。
喚魚潭

澄潭鈎餌自來無。慣聽沙彌拍手呼。亦是遊魚耳根鈍。千年長被俗僧愚。

七夕

一局殘碁運幾終。仙凡甲子不相同。安知河漢經年別。不似人間一夕中。

次夜

秋盡山寒尙不生。月明尤自益秋清。不知昨夜遊非偶。請聽今霄暮雨聲。

答彥先雨夜見柬

蕭然形影自爲雙。旅况鄉心久客降。歷盡嚴霜如落葉。聽多寒雨只疎窗。

其二

漸無存沒鄉中夢。慣歷寒溫客裏身。一片豬肝稱地主。去留如此易依人。

題李長蘅寒林圖

蒼然一片深寒裏。纔著蕭疎四五株。但作千林風雪看。淒聲遙影不曾無。

丘長孺將赴遼陽留詩別友意欲勿生壯惋之餘和以送之
曲突何曾勸徙薪。烽煙桴鼓重邊臣。全遼三五年中事。爛額焦頭半楚人。

其二

近來宣大報粗安。封款羈縻似不難。火食屋居非一日。此中難作上曾看。

其三

自顧平生稍稍酬。不須更論及封侯。只茲拚死輕生意。灑盡膏梁筆墨羞。

其四

一着戎衣事事輕。君恩除却卽交情。看君已斷身家想。猶記留詩別友生。

其五

借著前籌戰守和。較君當局意如何。豈應但作旁觀者。預擬饒歌與挽歌。
（長孺有諸君醺筆懸相待。不是饒歌卽挽詩之句。）

答友夏問伯敬南姬生子消息

親捧明珠早付郎。置身何異在君旁。却教天上徐徐送。暫緩人前喚阿娘。
其二

照水桃花不肯寒。貪看結子畏花殘。那知今日纍纍後。仍作春花二月看。
歸經玉泉

猶是山中九月秋。來時流水夜中幽。泉聲不在有泉處。曾向林蟬嶺月求。
歸經蒙惠二泉

始見山前光滿林。泉流秋氣月邊深。依然寒照此流水。再踏孤光何所尋。
至京山與友夏別

八月出門冬已臨。別時未滿共遊心。憐秋不欲言秋去。但指山山秋色深。
桃源洞

商山海上半秦民。何獨桃源是避秦。滿洞仙人一漁子。翻疑漁子是仙人。
又

桃花一水出何期。一日驚聞所未知。歸問漁郎洞中事。桑麻雞犬甚無奇。
沅州見芙蓉

來日初秋秋已周。依然殘燒在汀洲。南荒寒晚霜應煖。肯讓芙蓉紅一秋。

畫蘭詩

丘壑胸中又筆端。每從捧研得相觀。縱然寫就疑郎代。別出心情學畫蘭。

又

天然向背不求工。風日陰晴阿堵中。香色各隨人所近。有情難與衆花同。

又

曾賜宜男草自栽。國香夜夜夢中來。精誠再託閒揮染。應結今生筆墨胎。

又

幽心無改貌推移。歲月寒溫不可知。今日微芳難記取。自傳粉本待他時。

題尤時純農脈小像

撥袂祁寒暑雨身。別將憂樂寄精神。記從何處曾相識。七月颶風內一人。

冬夜茗溪看雨後初月兼有懷贈

茗溪夜夜可言秋。雨止晴初但一幽。一縷遠山中有幾。半爲光豔半爲愁。

又

怯寒喜霽一痕移。早出珊珊反似遲。君自乍看兼後至。怪人藏露不多時。
彥吉先生席上觀劇贈周郎

獨絲抽半瑄灰過。四坐冥冥但有歌。一縷風中香欲去。燭燈影裏占無多。

又

乍見聲聞好女身。寒空一葉下無因。可知今夜登場者。却是前生顧曲人。

題畫（并序）

向寄友夏寒河圖。多其位置。竹樹陂岸。不寒河不已。病起偶得佳紙。作一古樹。不覺高出於紙。茅齋之外。不益一物。空處忽露半舟。曰此寒河也。戲題而寄之。作文之法亦如此。

孤樹何曾追寸波。偶添舟影即寒河。高人宛在茅堂裏。却悔從前點染多。

桃花下見盆中水仙花開獨妙贈以四絕（予曾詠水仙有先春似避

寒梅妬之句。夫避妬誠有之。能保春時不與梅同花哉。花在梅後。仙乎仙乎。吾知免矣。前二首悔予術之疎也。）

偶向殘冬遇洛神。孤情只道立先春。今從九月過三月。疑是前身與後身。

又

物值同時妬亦宜。梅花今見子離離。相逢洞口千紅裏。素影當前君不知。

又

萬花如燄柳如煙。常恐冰綃畏不前。曾在水邊衣不濕。可知入火不能然。

又

每笑梅花太畏暄。一身自許歷寒溫。春風特念冰霜後。邀與春花共慰存。

新月要彭舉試茶辭以睡有詩自嘲之

香色封題爭好春。濤聲來處月痕新。高人祗當前宵雨。猶作幽窗臥聽人。

戲題畫

紙墨初乾米酒隨。此生醉飽不須疑。雙荷葉竟先收去。共待添丁暫忍饑。







國立中央圖書館



0799964



7
2

普